



ARTZINIEGA KO UDALA
AKTA

Saioa: Ezohiko osoko bilkura
Eguna: 2018ko otsailak 8
Ordua: 09:20 – 11:00
Lekua: Udaletxeko Bilkura Gela

Bertaratuak:

Iñigo Gomez Unzueta
Inmaculada Vivanco Retes
Maria Lorente Burgos
Miren Izaskun Perez Barragan
Joseba Mirena Vivanco Retes
Alazne Lafragua Ureta
Arkaitz San Jose Martinez
Unai Gotxi Kastrexana
Joseba Elejalde Ribacoba

M^a Ascension Hormazabal Meabe, Idazkari eta Kontu-hartzailea.

Saioa hasita eta lehendakariak publikotzat jo ostean, 09:20etan, gai-zerrendako puntuak ezagutarazi dira, eta akordio hauek hartu dira:

1.- 2018ko urtarrilaren 4an egindako saioko zirriborro-akta onartzea, hala badagokio.

Alkatea: Baduzue ezer esateko?

Unai Gotxi Kastrexana: nik bai, beno, ez dakit, agian hala esango nuen, udal kudeaketaren kontrolean ez daude orrialdeak zenbatuta, baina azkenurrena da, azken orria baina beste aldetik. Bigarren lerroaldean nire agerraldia dago eta "Aldundia eta Moyua enpresa" diot, eta Moya ipintzen du. Berriro diot, agian hala esango nuen eh?

Joseba Elejalde Ribacoba: ni ez nintzen izan, beraz abstentzioa emango dut, baina aipamenagatik, bada zinegotzi bat ustez niri buruz ari dena. Arkaitz San Jose Martinezek dio "ez doa inora, suposatzen da dagoeneko botoa erabakita dugula, baina ez baita lehen aldia, agian itunak daude, ez dakit, ikus dezagun zer egiten duen Josebak, gaur ez dago, baina tira" Ez dakit zer esan nahi duen "agian itunak daude" dionean, EAJ taldearekin aliatuta ote nagoen, Osoko honetan behin eta berriz esan dut, ni pertsona bat gehiago naiz edo oposizioko beste talde bat, eta ez dakit zertara, irakurri egin dut... eta beno.

Arkaitz San Jose Martinez: hitzez hitzekoaren kontuan dira, gainera nik nire agerraldiak irakurri egiten ditut eta zaila da behin transkribatu ostean niri jarraitzea. Azalduko dizut. Joan den egunean egin genuen bozketetako batean, normalean aurkako botoak, abstentzioak, aldeko botoak izaten da hurrenkera. Alderantziz egin zen eta nik nahi nuen..

Joseba Elejalde Ribacoba: problematika osoa irakurri dut...

Arkaitz San Jose Martinez: eta besterik gabe esan nuen gaiak barnean eztabaidatu ostean ekarri ohi ditugula eta Osokora gai bakoitzaren inguruan emango dugun botoaren erabakia nolabait hartuta etortzen garela, baina ez nuela ulertzen zergatik, ez zela aldeko botoen, abstentzioen eta aurkako botoen hurrenkera aldatzen zen lehen aldia, eta gertatu da, hurrenkera aldatu denean Gobernuko taldeak kontrako botoa eman behar duenean izan dela, aldatu egiten da, eta besterik gabe esan nahi nuen gehiengoaren eraginari dagokienez joan den egunean zu ez zeundela, horrenbestez ez zuen eraginik, izan ere, Gobernuko taldeak guztiek batera bozkatuko zutela suposatzen zen, beraz, Alkatearen kalitatezko botoarekin ez zuen halako



garrantzirik, baina kasu horretan, zu ez zeudenez, ezberdina izan zatekeen edo dena delakoa. Horri buruzko aipamena zen besterik gabe, ez da etengabe gertatzen den zerbait.

Joseba Elejalde Ribacoba: ados, ñabartuta.

Alkatea: beno, orduan bozkatu egingo dugu.

Bozkatu egin da:

Kontrako botoak:

Batere ez.

Abstentzioa:

Joseba Elejalde Ribacoba, PP alderdiko zinegotzia (1).

Aldeko botoak:

Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan, EAJ alderditik(4); Joseba Vivanco Retes, Arkaitz San Jose Martinez, Unai Gotxi Kastrexana eta Alazne Lafragua Ureta, EHBildu alderditik (4);

Onartuta geratu da.

2.- 4-701 Partzela “Trantsizioko Landa Paisaiako Lur Urbanizaezin” modura kalifikatzeko Artziniegako Arau Subsidiarioen 4. aldaketa puntualaren Testu Bategina behin-behinekoz onartzea.

“2018KO URTARRILAREN 25EAN EGINDAKO SAIOAN LURRALDEKO INFORMAZIO BATZORDEAK EMANDAKO IRIZPENA.

Kontuan hartuz 2017ko otsailaren 9an, Artziniegako Arau Subsidiarioen 4. aldaketa puntualari hasierako onarpena eman zitzaiola, 4-701 Partzela “Trantsizioko Landa Paisaiako Lur Urbanizaezin” modura kalifikatzeko, Juan Pedro Gorosabelek idatzia, urriaren 6ko Ingurumen eta Hirigintza Diputatuaren 244/2016 Foru Aginduz onartutako ingurumen arloko txosten estrategikoaren zehaztapeneko batera, Udalbatzaren Akordioz, eta jendaurrean ipini zela hilabete bateko epean, Arabako Lurralde Historikoaren Aldizkarian, 2017ko martxoaren 15ean, 31. zenbakiarekin, iragarkia ipinita, eta Noticias de Álava egunkarian 2017ko martxoaren 21ean ere argiturratuta.

Hasierako onarpenak 4. Industrialdeko 4-701 Partzelan edozein motako onarpen, baimen eta lizentziaren eskurapena bertan behera uztea erabaki zuen.

Baliogabetze horren iraupena URTE BATEKOA da.

Kontuan hartuta, jendaurrean ipinitako epean EZ zela alegazioarik aurkeztu.

Kontuan hartuz, 2017ko azaroaren 22an (3154 sarrera) udal teknikariak Arabako Foru Aldundiaren Ingurumen eta Hirigintza Zuzendaritzak eskatuta 2016ko irailaren 30ean Ingurumen Iraunkortasunerako Zerbitzuak igorritako Ingurumen arloko Txosten Estrategikora egokitutako Testu Bateginaren berri eman zuela eta ALDEKO txostena eman ziola “Artziniegako plangintzako Arau Subsidiarioen Aldaketa Puntualaren Dokumentuari” indarreko hirigintza-araudian ezarritakoarekin bat etorritz, onar dadin.

Legez ezarritako izapidea burutu ostean, Udalbatzari proposatu zitzaion, Korporazioko legezko kideen kopuruen aldeko botoarekin, hurrengo

AKORDIOA

LEHENA. *Artziniegako Arau Subsidiarioen 4. aldaketa puntualaren testu Bategina behin-behinekoz onartzea , 4-701 Partzela “Trantsizioko Landa Paisaiako Lur Urbanizaezin” modura kalifikatzeko, urriaren 6ko Ingurumen eta Hirigintza Diputatuaren 244/2016 Foru Aginduz onartutako ingurumen arloko txosten estrategikora egokituta, 2017ko azaroaren 14an aurkeztua, 3049 sarrera-zenbakiarekin.*

BIGARRENA. *Behin-behinekoz onartutako Artziniegako Arau Subsidiarioen 4. aldaketa*



puntualaren testu Bategina Euskadiko Lurraldea Antolatzeko Batzordeari igortzea, dagokion txostena eman dezan, izaera loteslea izango duena Artziniegako Arau Subsidiarioetako aldaketa lurraldea antolatzeko tresnetara eta beharrezkoak diren alderdi sektorial guztietara egokitzeari dagokionez.”

Alkatea: Zerbait esan nahi duzue?

Joseba Vivanco Retes: gure aldetik, kasu honetan aldeko botoa emango dugula aurreratzea. Dakizuenetz, legealdian zehar abstentzioa eman dugu Artziniegako Arau Subsidiarioak aldatzeko halako kasuetan. Arrazoia zen gure ustez ezin genuela egon denbora jakin bat igarotzen zen bakoitzean arauetan aldaketa puntualak egiten, hau laugarren aldaketa da, eta Plan Nagusi berri bati bete-betean heldu behar geniokeela. Azkenik egin da, dagoeneko bideratuta dago, eta horregatik arauen aldaketa honetan aldeko botoa emango dugu, Plan Nagusiaren gaia dagoeneko abiatu delako itxaropenez, eta bai jakin nahi genuen noiz zegoen aurreikusita gutun-azalak irekitzea.

Alkatea: hori esateko asmoa nuen. Guztiok gaudela aprobetxatu eta gero egingo dugu.

Bozkatu egin da:

Kontrako botoak:

Batere ez.

Abstentzioa:

Batere ez.

Aldeko botoak:

Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan, EAJ alderditik(4); Joseba Vivanco Retes, Arkaitz San Jose Martinez, Unai Gotxi Kastrexana eta Alazne Lafragua Ureta, EHBildu alderditik (4); Joseba Elejalde Ribacoba, PP alderdiko zinegotzia (1).

Onartuta geratu da.

3.- Etxean edateko ura hornitzeko Tasa Arautzen duen Ordenantza Fiskaleko tarifen aldaketa behin-behinekoz onartzea.

“2018KO URTARRILAREN 25EAN EGINDAKO SAIOAN HERRITARREN INFORMAZIO BATZORDEAK EMANDAKO IRIZPENA

Etxean edateko ura hornitzeko Tasa Arautzen duen Ordenantza fiskala ikusirik, eta tarifak aldatzea beharrezkoa izanik, zainari buruzko proposamena aurkezten baitzaio Alkatetzari, Udalbatzari proposatzen zaio har dezala hurrengo

AKORDIOA

LEHENA. *Etxean edateko ura hornitzeko Tasa Arautzen duen Ordenantza fiskaleko tarifen aldaketari hasierako onarpena ematea, Artziniegako udalerrian, jarraian jasotzen den moduan idatzita:*

URAREN TASA IGOTZEKO PROPOSAMENA	2018-1. seihilekoa	2018-2. seihilekoa	2019
ETXEKO ERABILERAK			
<i>Gutxienerako kontsumoa</i>	<i>0,49</i>	<i>0,50</i>	<i>0,51</i>
<i>Soberakoa</i>	<i>0,53</i>	<i>0,54</i>	<i>0,55</i>
INDUSTRIA-ERABILERAK			
<i>Gutxienerako kontsumoa</i>	<i>0,49</i>	<i>0,50</i>	<i>0,51</i>
<i>Soberakoa</i>	<i>0,53</i>	<i>0,54</i>	<i>0,55</i>
LONJA EZ KOMERTZIALAK			
<i>Gutxienerako kontsumoa</i>	<i>0,49</i>	<i>0,50</i>	<i>0,51</i>



<i>Soberakoa</i>	<i>0,53</i>	<i>0,54</i>	<i>0,55</i>
<i>Hartune Berriaren Tarifa</i>	<i>91.- €</i>	<i>92,82.-€</i>	<i>94,68€</i>

BIGARRENA. *Udal Ordenantza hau jendaurrean eta interesdunen aurrean ipintzea, Arabako Lurralde Historikoko Aldizkari Ofizialean eta Udaleko iragarki-oholean argitaratuta, hogeita hamar eguneko epean zehar, erreklamazio edo iradokizunak aurkeztu ahal ditzaten, Korporazioak ebaztekoak izango direnak. Aipatutako epean erreklamazio edo iradokizunik aurkezten ez bada, behin betikoz onartutzat joko da, Udalbatzaren aldetiko Akordio berariazkoaren beharrik gabe.*

Halaber, interesdunen eskura dago Udal honen web-orrian [helbidea: www.artziniegakoudala.eus].

HIRUGARRENA. *Alkate-udalburua gaitzea gai honi lotutako agiri mota oro izenpetu sinatzeko».*

Alkatea: Zerbait esan nahi baduzue.

Arkaitz San Jose Martinez: nik uste dut jadanik Batzordean aipatu dugun gauza bat dela, egokia iruditzen zait, udala ordezkatzeko lanetan gabiltzan pertsonak badakigu, baina tira, baina azal dadila pixka bat zergatik aplikatzen den igoera, eta hori esanik, gure ustez, gero azaldu nahi baduzu beno, baina nik aurreratuko dut Kantauriko Urkidetzan izandako tarifa-igoera baten, Kantauriko Urkidetzak Udalari kobratzen dionaren, ondoriozko igoera bat dela, eta ez gaude aurka igoera bat delako, aurreratzen dut ez dugula aldeko botoa emango, baina ez igoera bat delako, hau da, guregan hartu beharreko gastu bat bada guregan hartu beharko genuke, baina ura udal baliabide bat da, energia bezalaxe eta kanpotik datozen bete zenbait kontu bezalaxe, ura udalari dagokion gai bat da nagusiki, eta gure ustez, beste politika mota batzuk egiteko ere balio izan behar du, jende orori berdin kobratu behar ote zaion azter daiteke, eztabaidatu ez diren zenbait gauza daude, eta sakoneko gaiak dira, eta ura estrategikoa iruditzen zaigunez, eztabaidatu egin beharko litzateke. Zuk alta udalaz gaindiko erakunde bati lagatzen diozun unean horren gainean jarduteko ahalmena galtzen duzu nolabait, beraz, horregatik ez dugu aldeko botoa emango.

Joseba Elejalde Ribacoba: ni apur bat harago joango naiz. Niri, lehendabizi, Kantauriko Urkidetzako altaren kudeaketa ez zait gaizki iruditzen, baina nik planteatzen dudana da, eta halaxe planteatu nuen izan genuen Gobernu Batzordean, arazoa hemen ez dela soilik Kantauriko Urkidetzak aplikatutako igoera. Guk hemen 125.000 euroko diru-sarrerak ditugu ur-sarreraren kontzeptuan, ordainagiriarena, 1155 baitira pasatzen diren ordainagiriak, eta estolderiako sarrerak 7.500 dira. Guztira 132.500 euroko diru-sarrerak ditugu. Gastuaren kontzeptuan, hemen apur bat adarretatik doaz, Kantauriko Urkidetzak kontsumitutako urarengatik pasatzen digun tasari dagokion 80.000 euroak kenduta eta Uraren isuriaren sari modura ditugun 15.000 euroak kenduta, isurtze-sari hori Artziniegako herritar guztiok ordaindu behar dugu, Artziniegako Hondakinen Uren Araztegia ez dagoelako gauzatuta egon behar lukeen epean, edo kolektoreak, ez daudelako gauzatuta egon beharko luketen epean, bada, horrek inpliketzen du zenbateko horiek uraren gure ordainagiritan islatzen direla. Ondoren baditugu zenbait "konponketa sarean", komatxo artean ipiniko dugu ez baitakigu zehaztasun osoz, 3.000 euro dira materialetan, urtero aldatu egingo dena, pentsatzen dut. Aguas Iberdrola da ditugun udalerrri edo auzo ezberdinetako depositu ezberdinetara ponpatu behar dugun guztia, 5.000 euroko zenbatekoa dago, eta ondoren langileen ordainsariak. Horrek zer esanahi du? Konponketetara edo Udal honetako langileek kontagailuak irakurtzen, ihesak konpontzen eta beste zeregin batzuetan ematen duten denborara ustez bideratzen ditugun 18.000 euroak, hor badugu 121.000 euroko zenbateko bat, sarearen amortizazioa bajaran kontuan hartu gabe. Ez dakigu zer den amortizazioa, ez daukat ideiarik ere, beraz, ideiarik ere ez dudanez ezin dizuet daturik eman. Baina horrek 121.000 euroko saldo bat uzten du gastuetan. Beraz, 132.500 euro ditugu sarreretan eta 121.000 euro gastuetan, ustez, dauzkagun amortizazioak alde batera utzita. Horri galtzen den urari dagokion % 40 gaineratu behar zaio. Hau da, daukagun saneamendu- eta hornidura-sarea zisko eginda dago, pantanotik irteten den uraren % 40 galdu egiten da, ez dakigu nora, eta ibaira erortzen da berriro. Baina hori Artziniegako herritarrok ordaintzen jarraitzen dugu. Kontrako botoa



emango dut, baina kontrako botoa emango dut hemen 30 urte daramatzagulako hornidura-proiektu bideragarriak egin gabe eta saneamendu-sarea aldatu gabe. 40 urte daramatzagu hitz eta pitz, hitz eta pitz, edo 30 urte hitz eta pitz, deus egin gabe. 2.000.000 euroko proiektu bat daukagu saneamendu- eta hornidura-sare berri bat egiteko, bada ez dakit noiz hasiko dugun. Egin dezagun plan hori, susta dezagun, egin dezagun hala behar bada 10 urtez, 10 urterako Foru Planarekin, 200.000, 400.000, 300.000 euroko inbertsioak eginez urtean, eta ondoren hasiko gara amortizatzen. Eta behin saneamendu- eta hornidura-sarea baldintza egokitan daukagunean, aplika diezaiogun igoera gure herritarrei. Artziniegako Udalean sare hori baldintza egokitan ez daukagun bitartean nik muzin egingo diot herritarrei zentimo bat gehiago eskatzeari. Lotsagarria da 30 urtean Artziniegako Udalak adabakiak ipintzetik harago deus ez egin izana, eta diru-laguntza batzuk baliatu izana konponketak egiteko edo auzoetan hornidura berria egiteko, izan ere, Foru Planean edo dena delakoan zeuden diru-laguntzak aprobetxatu dira Erreta Tuteran, Mendieta edota Sojoguti auzoak egiteko, edo erdiko kalea eta beheko kalea. Herria gainerakoan, esan dudana moduan, zisko eginda dago, eta uraren % 40, kalkuluak ateratzen badituzue 80.000 euroko kostua dakarkigu horrek, edo Kantauriko Urkideak kobratzen diguna altan den sarearen truke, kalkulatu baduzue diru horren % 40 joan egiten dela. Eta herritar guztiak, pasatzen ditugun 1.155 ordainagiriak, guztion artean ordaintzen ditugu, eta nik muzin egiten diot horrela jarraitzeari Udal honetatik neurri egokiak hartzen ez diren bitartean.

Alkatea: ikus dezagun, % 4ko igoera bat proposatzen da, egia da Kantauriko Urkideak altaren tarifen kobratzen digunagatik, 2016tik 2019ra % 4ko igoera aurreikusten duela. Kontuan izan behar dugun tarifa hori ez dela ukitu 2007. urteaz geroztik eta 2007. urtetik hona KPI indizea, % 17,8koa izan dela. Daukagun sarea, Joseba, ados nago zurekin aldatu egin behar dela, eta horregatik aurkeztu diogu Foru Planari 667.000 euroko proiektu bat, zuntz-zementuzko sarea aldatzekoa, 1. fasean. Egin behar dugun zerbait da hori eta Foru Planean sartzen ari gara. Amortizazioak taxuz egin izan bagenu, izan ere, agian kasu honetan hori egin ahalko genuke, eta ez dugu egin. Era berean, Foru Planari Gordelizeko depositu nagusiaren hoditeria gauzatzeko beste proiektu bat aurkeztu diogu, ez dadin Gordelizen pantanotik zuzenean datorren ur gordina hartu eta ondoren Erretara ponpatu. Horrenbestez, ezin daiteke esan Udal honetatik ezer egiten ez denik, izan ere...

Joseba Elejalde Ribacoba: 30 urtetan esan dut, ez dut esan une honetatik aurrera... esan dudana da 30 urtetan ez dugula ezer egin, argi eta garbi azaldu naiz. Zuk esan nahi badidazu, jakina, Aldundiari bi proiektu horiek aurkeztu dizkiogula, badakit, baina nik esan nahi dizut, hori gauzatzen ez den bitartean, muzin egiten diodala Artziniegako herritarrei zergak egozteari, bestela Artziniegako Udalari ez zaizkiolako kontuak ateratzen. Ez, Zergatik ez dugu ezer egin 30 urtetan? Zergatik Urak isurtze-sari bat ezartzen digu Eusko Jaurlaritza bera denean Artziniegako Hondakinen Uren Araztegia gauzatu beharra zuena? Bitxia da gero. Artziniegarako azpiegitura bat gauzatu behar zuen erakunde batek kobratu egiten digu azpiegitura eginda ez dagoelako eta tratatu gabeko ura Artziniegako ibaira isurtzeagatik. Bitxia da ezta, zoratzeko modukoa da, isun bat ezartzea haiek entzungor egin diotenean 2004an onartu zuten proiektu bati. Irrigarria da.

Inmaculada Vivanco Retes: Joseba, sanamendua kontsumorako urarekin nahasten ari zara.

Joseba Elejalde Ribacoba: berdin zait, nire ustez ditugun gastuen barruan...

Inmaculada Vivanco Retes: Joseba, saneamendua kontsumorako urarekin nahasten ari zara. Ezberdinak diren bi gauzez ari gara hitz egiten. Badira zenbait udalerrri urteak daramatzatenak dirua ordaintzen saneamendua baldintza egokitan izan gabe bere garaian diru hori amortizatzeko, beraz ez ezazu esan...

Joseba Elejalde Ribacoba: nik Jesusi koadro bat eskatu berri diot, diru-sarrerak zein diren eta gastuak zein diren adierazten duena, eta gastuen barruan 2017ko isurtze-saria agertzen zait, 15.000 euro, hori da haiek... eta pentsatzen dut hori amortizazioak jaitsi egingo duela, hori da lñigok behin eta berriz esaten du ez dela ezer amortizatzen, eta horregatik datozela hor galde-ikurrak, lñigok, udalerrri honetako Alkateak, jakingo du zertaz ari naizen, eta koadro horretan, uraren gastuetan, estolderiako diru-sarreretan 7.500 euro ditugula esaten ari natzaizun bezalaxe, isurtze-sariagatik 15.000 euro ditugu. Ni esaten ari naiz ura berez, kontsumitzen duguna eta estolderian barna doana, Udalak 132.500 euroko diru-sarrera duela eta daukagun gastua amortizaziorik gabe 121.000 eurokoa da, eta ondoren isurtze-saria dugu 15.000 euro, eta isurtze-



sari hori, 15.000 euro direnak, kobratu egiten digute ez daukagulako Hondakinen Uren Araztegi bat edo kolektorarik ez dagoelako. Artziniegaren arazoa dela? Bai, ados, izan ere, azken batean ura udal mailako arazo bat da, baina era berean egia da 2004tik 2012ra bitartean, edo 2015etik 2018ra bitartean, orainera, nahikoa denbora izan dutela Artziniegako Hondakinen Uren Araztegiaren proiektua gauzatzeko edo hondakin-ura kolektoreetatik Gueñesera eramateko, eta nik ez dut besterik esango. Amortizazioen koadroa hemen baitago, hau da, diru-sarrera eta gastuena.

Alkatea: bai, baina kontura zaitetz obra bat egingo dugula, Foru Planean daukaguna, 800.000 euro, amortizatzen hasi beharrean gaudena, epe honetarako...

Joseba Elejalde Ribacoba: ados, bada, obra onartuta daukazunean onartu ahalko duzu, Osoko honetara ekarri ahalko duzu...

Alkatea: 50 urte barru obra gauzatu ahal izateko, berrikuntza berriro gauzatu ahal izateko, izan ere, ezinbestekoa dugu, udal mailako erantzukizuna da. Foru Plan hau, Foru Plana aurkeztu dugu, baina hau berezko baliabideekin egin beharrekoa zen.

Joseba Elejalde Ribacoba: edo ez, Foru Planarekin. Berezko baliabideak ditugu 600.000 euroko edo 800.000 euroko inbertsio bat egiteko, edo egiaz behar den bestekoa?

Alkatea: ez.

Joseba Elejalde Ribacoba: orduan, Iñigo, Foru Planera jo behar dugu ezinbestean, horrexetarako baitago Foru Planaren irudia Arabako Foru Aldundian, halako obretarako, edo inbertsioetarako. Beste gauza bat da esaten badidazu, Foru Planetik etortzen den guztia 8 urtetan edo 6 urtetan saneamendua eta hornidura konpontzera bideratzen badut, herrian ez dugu beste obra bakar bat ere egingo. Agian herri honentzat garrantzitsuena zer den lehenetsi beharko da. Zer da garrantzitsuagoa? Uraren % 40 botatzen ari garela, baliabide natural bat, guztiontzat beharrezkoa dena... Jainkoari eskerrak bikain funtzionatzen duen pantano bat daukagu, eta ia % 80 edo % 90era dago uste osoan. Baina nik gogoan dut, eta hemen gaudenak, ia guztiok izango dugu gogoan, hemen maiatzetik aurrera ez geneukala urik, eta beharrezko baliabide bat da. Eta baliabide hori hemendik 5 kilometro baino gutxiagora dugu zorionez.

Alkatea: Joseba, ez daukagu ihesen indizea zein den adierazten duen ikerketarik eta ez dugu modu egokian funtzionatzen duen sare bat...

Joseba Elejalde Ribacoba: joan den egunean galdetu nizun eta esan zenidan "Kantauriko Urkidetzaren arabera", batzordearen barnean esan nizun, "% 40". Eta gainera galdera bat izan zen, eta uste dut Joseba lekuko modura zegoela, esan nizun, Zenbat? Eta esan zenidan % 40 Kantauriko Urkidetzaren arabera. 80.000 euroren % 40, nahiz eta % 30 izan, berdin zait, nahiz eta 30 izan, 25.000 eurora zoaz, eta % 40ra joaten bazara, 80.000 eurotik 32.000 eurora zoaz. Ni kritikatzan ari naiz, azken batean, herritarra zergekin astintzen ari garela, udal mailako arazo bat denean. Eta 30 urtetan ez badugu ezer egin eta orain egiten hasten baldin bagara ongi iruditzen zait, eta programa jadanik onartuta dagoenean eta obrak hasten direnean, eta zuk hona igoera bat ekartzen badidazu, eta ez urtean zentimo batekoa, 10 edo 12 euroko igoera bat ekartzen badidazu, esango dizut orain arrazoiarekin, Zergatik? izan ere, orain bai, orain Artziniegako herritarrak etxean ura presioz izango du, indartsu, ihesik gabe, dauden baldintza higieniko eta sanitarioekin, izan ere, badakigu arazoak egon direla Erretako deposituan, Gordelizeko deposituan. Noski, inbertsioak egin behar dira? bai. Inbertsioak eginda ditugunean, inbertsio horien amortizazioak hartu eta herritar guztien ordainagirietan kargatu ahal izango ditugu. Eta orduan herritarrak ulertu egingo du. Bitartean, nik, herritar modura bederen, ez dut ulertzen.

Alkatea: dirua izaten hasi behar gara etorkizuneko inbertsioak ere ordaintzeko, ez orain egin behar duguna ordaintzeko. Hori da kontua, eta igoera hau, hain zuzen, ez doa hortik, kostu arrunten egokitzapena baino ez da. Berriro diot, 2007az geroztik tarifa ukitu gabe. 2007az geroztik. KPI indizea 17,8koa. % 4ko igoera bat proposatzen da. % 4koa.

Joseba Elejalde Ribacoba: Iñigo, zuk % 17 esan didazu. Galeren % 30 aplikatzen badugu, zenbatean geratzen da igoera? Egiaz zenbatean geratzen da gastua? Zergatik ordaindu behar ditut nik 80.000 euro Kantauriko Urkidetzak uraren kontsumoagatik egozten didan gastua ziurrenera askoz txikiagoa izango litzatekeenean?

Alkatea: begira, Joseba, ez dauzkat datu zehatzak, baina ziur aski sare egoki batek eta sare



berri batek ere ihesak izango ditu. Eta ihes horiek izan daitezke % 10ekoak edo % 20koak. Ez dakit. Baina ihesak daudelako ez onartzea niri ez zait argudio nahikoa iruditzen. Noski, ihesak badaude.

Joseba Elejalde Ribacoba: isurtze-sarien argudioak eman dizkizut, ihesen argudioak eman dizkizut, argudio modura esan dizut azken batean gastu bat estaltzeko zerga baten igoera herritar bati egozte nire ustez, forma edo arrazoi bat baino gehiago eman dizkizut, igoera horrekin zergatik ez nagoen ados azaltzeko. Ni ez nago ados igoera horrekin, izan ere, azken batean herritarra kontsumitzen ari ez dena ari da ordaintzen, eta hori ez da bidezkoa. Zergatik ordaindu behar dut nik kontsumitzen ez dudana gauza bat? Arazoa Udalarena bada edo udal mailakoa bada, Udala izan beharko da hori ez gertatzeko neurriak hartu beharko dituen. Eta bestela Udalak har dezala beregain berezko baliabideekin % 30 edo % 40 hori ordaintzeko betebeharra, % 20 edo % 25a, herritarrak kontsumitzen ez duena. Herritarrari uraren kontsumoaren ordainagiriagatik kobratzen diogu. Zuk esaten didazula, ez da 2007az geroztik igo, ados, bikain, ados nago, KPI indizea % 17 igo da, ados. Baina jar dezagun balioan azken batean Bilduk arrazoa izango du, esaten dutenean ea zergatik eman behar diogun zerbitzu bat kanpoko enpresa bati mozkinak are handiagoak izan beharko lirakeenean. Jakina, esaten ari zaitzaizkidanaren arabera.

Alkatea: Kanpoko zein enpresari?

Joseba Elejalde Ribacoba: enpresa, edo administrazio bati, kanpoko entitate bati. Izan ere egia da, azken batean baloia gol-marraren aurrean ipintzen ari zara. Nik ezetz uste dut. Berriro diot igoera hau, nire ustez, sarea konpondu eta ordezkatzeko beharrezko azpiegiturak egiten ez diren bitartean, adar jotze bat da.

Alkatea: beno, bada, bozka dezagun. Gauza bat esan nahi dut, alta berreskuratzearena aipatu duzu, hau zergatik den igoera bat planteatuz Kaku altan dagoelako. Nik gogoeta bat besterik gabe, batzorderen batean ere egin baitugu, Gipuzkoan eta Bizkaian ura kudeatzeko hiru erakunde daude gutxi gorabehera. Araban 300 ditugu. Uste dut zenbaki hori begiratu egin behar dela, eta uraren kudeaketaren kasuan, banandu eta bereiztea uste dut ez dela ona. Gogoeta pertsonala da hori.

Bozkatu egin da:

Kontrako botoak:

Joseba Vivanco Retes, Arkaitz San Jose Martínez, Unai Gotxi Kastrexana eta Alazne Lafragua Ureta, EHBildu alderdikoak (4); Joseba Elejalde Ribacoba, PP alderdiko zinegotzia (1).

Abstentzioa:

Batere ez.

Aldeko botoak:

Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan EAJ alderditik (4);

Ez da onartu.

4.- Zerbitzu publikoak eman eta administrazio-jarduerak burutzearen ondoriozko tasak Arautzeko Ordenantzako tarifen aldaketa behin-behinekoz onartzea.

<<2018KO URTARRILAREN 25EAN EGINDAKO SAIOAN HERRITARREN INFORMAZIO BATZORDEAK EMANDAKO IRIZPENA

Zerbitzu publikoak eman eta administrazio-jarduerak burutzearen ondoriozko Tasak Arautzeko Ordenantza ikusirik, eta tarifak aldatzea beharrezkoa izanik, zeinari buruzko proposamena aurkezten baitzaio Alkatetzari, Udalbatzari proposatzen zaio har dezala hurrengo

AKORDIOA



LEHENA. Zerbitzu publikoak eman eta administrazio-jarduerak burutzearen ondoriozko Tasak Arautzeko Ordenantzako tarifen aldaketari hasierako onarpena ematea, Artziniegako udalerrian, jarraian jasotzen den moduan idatzita:

ZABORREN TASA IGOTZEKO PROPOSAMENA	2018, 1.	2018, 2.	2019	2020	2021
Egoitzak	77,11	89,50	179,00	201,37	223,75
Tailer mekanikoak, garajeak, granjak, gasolindegia.	36,05	41,85	83,69	94,16	104,62
Ikastetxeak, aterpetxeak	61,50	71,38	142,76	160,61	178,45
Artziniegako Etxebizitzak	28,63	33,23	66,46	74,77	83,08
Tabernak	36,05	41,85	83,69	94,16	104,62
Fabrikak	110,27	127,98	255,95	287,95	319,94
Komertzioak	36,05	41,85	83,69	94,16	104,62
Erakundeetako etxebizitzak % 50	14,32	16,33	32,66	36,74	40,82
Hotelak, jatetxeak, kasinoak	61,50	53,54	107,07	120,46	133,84
Bulegoak, txokoak, elizak	36,05	39,63	79,26	89,16	99,07

BIGARRENA. Udal Ordenantza hau jendaurrean eta interesdunen aurrean ipintzea, Arabako Lurralde Historikoko Aldizkari Ofizialean eta Udaleko iragarki-oholean argitaratuta, hogeita hamar eguneko epean zehar, erreklamazio edo iradokizunak aurkeztu ahal ditzaten, Korporazioak ebaztekoak izango direnak. Aipatutako epean erreklamazio edo iradokizunik aurkezten ez bada, behin betikoz onartutzat joko da, Udalbatzaren aldetiko Akordio berariazkoaren beharrik gabe.

Halaber, interesdunen eskura dago Udal honen web-orrian [helbidea: www.artziniegakoudala.eus].

HIRUGARRENA. Alkate-udalburua gaitzea gai honi lotutako agiri mota oro izenpetu sinatzeko».

Alkatea: Osoa ere ez da estaliko, izan ere, beti dago Tokiko Erakundearen Finantzaketa-funtsaren zati bat zaborretara bideratzen dena, 37.000 euroko zenbateko bat. 2015ean basuren tarifa ere igotzea aurreikusi genuen, zerbitzuaren kostura egokitzeko, eta igoera hau bi inguruabar garrantzitsuren ondorio da. Alde batetik, tratamenduaren kostua, izan ere, errefuxaren tonako kostua igo egin da, baina datu garrantzitsu bat, bilketa organikoaren tratamenduaren kostua ere murriztu egin da. Eta ondoren, beste alde batetik, lizitaziora irten den zerbitzu berria dago, 4+2ko epea, hobekuntza ezberdinak aurreikusten dituen, esate baterako, bolumen handiko gailuen bilketa bi egunera areagotzea, edukiontzia eta bateriak gainbegiratu eta garbitzeko zerbitzuak hobetzea, edukiontzia trukatzeko zonaldea egokitzea, hor, igerilekuaren aurrean duguna, itxiera bat gaituz, jaiegunetan bilketa indartzea, eta oso garrantzitsua den gai bat, organikoaren eta errefuxaren edukiontzietarako sarbidea kontrolatzeko sistema bat ezartzeko proba pilotu bat egitea, eta plan bat eta baita organikoaren bilketaren kostuarekin lotuta aipatu dugunaren harira oso garrantzitsua den elementu bat ere, komunikazioa indartzea, kanpainak burutzea, eta baita ondoren udalerriko errefuxaren eta organikoaren lagin praktikoetan ere, karakterizazioetan, errefuxak gero eta garrantzi gutxiago izan eta organikoaren bilketak gero eta garrantzi gehiago izatea lortzeko. Horrenbestez, berriro diot, 2021. urtera arte garrantzitsua izanda, zerbitzuaren kostu osoa estaliko ez duen igoera bat da, izan ere, zaborrak biltzeko zerbitzura bideratzen den Tokiko Erakundearen Finantzaketa-funtsaren partida bat mantendu behar dugu. Ez dakit zerbait esan nahi ote duzun.



Arkaitz San Jose Martinez: zaborren gaia eztabaida asko behar duen gai bat da, inondik ere. Planteatzen den leku guztietan sortzen da eztabaida. Horrela gertatu da Kuadrillan, horrela gertatu da batzordetan. Gurean ere, talde gisa, irizpide ezberdinak daude, ziurrenik horregatik bakoitzak bere irizpideen arabera uste duena bozkatuko du. Edozein kasutan, uste dut herritarrekin eztabaida falta dela, batzordeetan jadanik esan dugu, baita Kuadrillan ere, azken batean igoera guzti horiek frakzio gehiena errefuxa izango dela kontuan hartzean oinarritzen dira, izan ere, zuk adierazi duzun moduan tarifa murriztu egin da, orain arte berdin kobratzen zen errefuxarengatik eta organikoarengatik, orain Jundizek errefuxarengatik ipintzen dituen tarifak igo egin dira, eta organikoarena jaitxi egin da, eta kalkulu horiek egiterakoan igotzen jarraituko dutela pentsatu da, tarifak gora egiten jarraituko du eta guri gehiago kobratzen jarraituko dute, berriro ere urarekin gertatzen denaren antzekoa da, hau da, erakunde batek adierazten du zenbat ordaindu behar dugun eta ontzat ematen dugu eta, tira, Udalok lerroaren amaieran gaudenez, bada, aizu. Aizu oso garestia ateratzen ari zaidala, bada tarifa igoko dizut, eta Udalek ordain dezatela. Gauza bera egiten du Kuadrillak eta Kuadrillari gorakotik egiten zaio. Nire ustez, tarifek gora egin ez dezaten egin behar duguna eztabaidatu behar dugu, baina ez daitezela igo hondakinen eta errefuxaren sorrera ia zerora murrizteagatik, eta organikoarena ahalik eta gehien murrizteagatik, izan ere, aurrekoan ere esan genuen bezala, orain krisiaren amaieran gero eta hondakin gehiago sortzen da berriro, ez da bestelako bilketaz hitz egiten, ontziak ekoizleak berak bildu ote ditzakeen... Orduan, ados, hemen datozen 3 urteetarako tarifa batzuk aipatzen zaizkigu oker ez banago. Kontuan hartuta Kuadrilla mailan ere probak egingo direla zenbatekoak sorrerara egokitzeko, hau da, bakoitzaren portaerak banaka aztertzeke, eta horren arabera kobratu ala ez kobratzea erabaki, gutxi gorabehera, gure ustez, ez da jendearen portaera pixkanaka egokitzeko moduari erantzuten dion neurri bat edo tarifa bat, eta gauza ongi gizarteratzen bada badugu gastu horietara ez iristeko gaitasuna. Hemen ere ez dugu aldeko botoa emango. Eta lehen aipatu dudana esango dut. Hondakinen legeak esaten duena ontzat ematen dugu, hots, bakoitza izan dadila sortzen dituen hondakinen arduradun eta ordain dezala horren arabera. Arazoa ez da tarifa igotzea. Arazoa da gure ustez sakonagokoa den eztabaida bat egin behar dela.

Alkatea: zerbitzuak, igoera honekin ere, oraindik ez ditu kostuak estaliko, eta egia da epealdi honetan sentsibilizazio-kanpainetan ahalegin bat egin beharko dela, horiek baitira pleguetan jasotzen direnak, organikoaren bilketari dagokionez, eta organikoarekin eta errefuxarekin egin daitekeen esperientzia pilotu hori zaborraren katalogazio bat finkatu ahal izateko esperientzia bat izan daitekeela eta baita tarifak bakoitzak sortzen duenaren arabera finkatzeko ere.

Joseba Elejalde Ribacoba: gaiari dagokionez, nik argi daukat azken batean Europako araudia aplikatzeko dagoela, hondakin gehien sortzen dituenak ordaindu egin behar duela, lehengora noa berriro, ados nago, joan den egunean batzordean ere hitz egin genuen horretaz, sentsibilizazio-kanpainaz eta kostuak zer suposatzen duen ezagutarazteaz, ondoren hiri-hondakinak edo errefuxa biltzearen zenbatekoa dago. Nik esan nuen, proba pilotua modu orokorrean egin behar dela diotenen artean nago. Nik uste dut herritar guztiei birziklatzeko aukera eman behar zaiela. Auzoak beharrezkoak diren edukiontzi guztiekin hornitu behar dira, izan ere, hemen Artziniegan gerta daitekeen moduan, zu puntu jakin batzuetara joan eta orotariko gauzak birziklatzeko aukera duzularik, plastikoak, kartoiak, papera, errefuxa, organikoa edota arropa. Aurreko egunean esan nuen eran, ez nago inolaz ere ados hau berdinetan geratzea, haiek birziklatzen ez duten pertsonak bezalaxe ordaintzea, ez dut ulertzen. Izan ere, udalerrri honetan pertsona asko dago ahal dutena egiten dutenak ontziak, kartoiak edo papera banatzeko, organikoa eta errefuxa banatzeko, eta abar, eta horiei eta guztia poltsa berean sartu eta edukiontzi marroian botatzen duen pertsona bati gauza bera konputatzen zaie. Nik uste dut kanpaina ongi dagoela, proba pilotua modu orokorrean egingo nuke nik. Badakit inbertsioa izugarria dela, badakit aurreko egunean planteatu nuena nik ez dudala argi ikusten zinetotzi modura eta hemen gaudenok ez dakit, izan ere, inbertsioak oso handiak dira, baina azken finean herritar bakoitzari zikitzen duenaren truke edo sortzen duen organikoaren eta errefuxaren truke egozteko modu bakarra dela uste dut. Azken batean, uste dut gai honetan anbizio gehiago izan behar dugula, eta ongi esan duen moduan, azken finean, hitz egin, hitz egin eta adostu. Batez ere adostea, izan ere, konturatzen zara Aiarako Kuadrillan bakoitzak arazoa ikusteko bere modua duela, Artziniegako Udalean ere bakoitzak hori ikusteko gure modua daukagu, zer esanik ez gorago dauden



Erakundeetan. Jundizeko planta Gasteizko Udalak kudeatzen du, kostu batzuk ditu eta kostu horiek gure hondakinak hara eramatera derrigortuta gauden Udal guztietan dute eragina. Horrenbestez, horren aurka ezer gutxi egin daiteke, baina egia da garrantzitsua dela herritarrak kontzientziatzea birziklatzearen edo ez birziklatzearen arabera kostu bat ala beste bat dagoela ikus dezaten. Eta garrantzitsua izango litzateke jakitea nork birziklatzen duen eta nork ez, horregatik diotsut une honetan hori ia utopia bat dela. Beste herrialde batzuetan beira edukiontzi berde batera bota beharrean, guk egiten dugun moduan, makina batera eramaten duzu zure beira eta automatikoki zentimo 1 edo 5 zentimo edo 25 itzultzen dizkizute. Plastikozko bat eramaten duzu eta automatikoki zentimo 1 edo 5 zentimo edo 25 zentimo itzultzen dizkizute. Eta hori da herritarra akuilatzeako modua, birzikla dezan. Ni birziklatzen dudana pertsona bat banaiz, edo birziklatzen ez dudana, eta birziklatzen duen adiskide edo lagun bat daukat eta biok berdin ordaintzen dugula ikusten dut eta esaten dut eta zertarako balio dit".

Arkaitz San Jose Martinez: are gehiago, pentsa landa-eremuko pertsona bat sortzen ari den organiko guztia konpostera botatzen ari dena. Eta pertsona horri zaborra berdin-berdin igoko zaio.

Joseba Elejalde Ribacoba: erabat ados. Horregatik esan dizut, Europako Araudia argia dela ikusirik, Aiarako Kuadrillan daukagun arazoa, izan ere, ez daukagu gune bat, ez daukagu garbigune bat, ez daukagu gauzak botatzeko gunerik hurbil, eta Gasteizera eramatera derrigortzen gaituzte, kamioiei dagokienez horrek dakarren gastuarekin, azpiegiturako gastuekin, gastu guztiarekin, eta gainera, ondoren tonako 87 euro kobratzen dizkigute. Horrenbestez, uste dut azken batean eztabaida hor dagoela, arretaz eta patxadaz ibili eta ongi aztertu behar dugu kontua. Nik uste dut adibidez, irten denez, nik ez dakit adibidez, aurreko egunean ez bainintzen egon, egon ote den enpresaren bat...

Alkatea: bai, lau enpresa aurkeztu dira.

Joseba Elejalde Ribacoba: nik uste dut, era berean, bere garaian pleguak atera zirenean ez zetozen guztiz bat gero gertatu zenarekin, moztu eta koptatu moduko bat egin zen hor enpresaren batek aukera izan zezan...

Alkatea: berriro diotsut, lau aurkeztu dira.

Joseba Elejalde Ribacoba: nik uste dut hori funtsezkoa dela. Arazo larri bat dugula ikusi behar dugu, eta irtenbide onena zein den bilatu, gero eta handiagoa den kostu bat prebenitzeko modurik onena. Eta nik uste dut hori sentsibilizazio-kanpaina bat dela, eta batez ere herritarrak hauteman dezala patrikan birziklatzen badu merkeago ateratzen zaiola. Edo sari bat du... ez dakit...

Alkatea: gauza bat argitu nahi dut herriei dagokienez. % 50eko hobaria dute. Herrigunean kobratzen denaren % 50 kobratzen da, ordenantzan.

Bozkatu egin da:

Kontrako botoak:

Unai Gotxi Kastrexana eta Alazne Lafragua Ureta, EHBildu alderditik (2);

Abstentzioa:

Joseba Vivanco Retes eta Arkaitz San Jose Martinez, EHBildu alderditik (2); Joseba Elejalde Ribacoba, PP alderdiko zinegotzia (1).

Aldeko botoak:

Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan EAJ alderditik (4);

Onartuta geratu da.

Arkaitz San Jose Martinezek Osoko Bilkura utzi du 10:00etan.

5.- Diru-laguntzak onartzeko Oinarriak onartzea, 2018ko ekitaldia.

“2018KO URTARRILAREN 25EAN EGINDAKO SAIOAN HERRITARREN INFORMAZIO BATZORDEAK EMANDAKO IRIZPENA



Ikusirik Artziniegako Udalaren kultur eta kirol jardueretarako eta 2018ko ekitaldian onartzen diren diru-laguntzen oinarri arautzaile espezifikoak eta deialdia, Udalbatzari proposatzen zaio har dezala hurrengo:

AKORDIOA

LEHENA. Hasierako onarpena ematea Artziniegako Udalaren kultur eta kirol jardueretarako eta 2018ko ekitaldian onartzen diren diru-laguntzen oinarri arautzaile espezifikoak eta deialdiari, jarraian adierazten den moduan idatzita:

« Artziniegako Udala

Artziniegako Udalaren kultur eta kirol jardueretarako 2018ko diru-laguntzen oinarri arautzaile espezifikoak eta deialdia.

1. artikulua.-Diru-laguntzen esparruak eta ildoak

1. Aisia eta astialdiko jarduerak
2. Gizarte- eta kultura-animazioko eta komunitate-garapeneko jarduerak
3. Kultura ondarea
4. Kirola sustatzeko jarduerak
5. Usadioen alde egiteko eta haien zabalkunderako proposamenak
6. Artziniegako udalerrira sustatzen laguntzeko jarduerak
7. Beste kultura eta kirol jarduera batzuk

2. artikulua.- Eskatzaileak

1. Aurreko artikuluan deskribatzen diren jarduerak Artziniegan sustatzeko interesa duen edozein entitate edo pertsonak eskatu ahal izango du diru-laguntza.

2. Proposatutako programek tokiko esparruari emango diote lehentasuna, edo interesgarriak izan behar dute udalerraren gizarte eta kultura garapenerako.

3. Diru-laguntzak jasotzen dituzten elkarte eta pertsona fisiko guztiek diru-laguntza eman duen erakundearen logotipoa jarri behar dute agerian gauzatzen dituzten jarduera diruz lagundu guztietan, eta euskarari eta berdintasunari dagozkion irizpideak bete behar dituzte karteletan, hizkuntza eta irudi barneratzaileak erabiliz.

Hori dela-eta, Udalak berdintasunaren arloko prestakuntza eta aholkularitza tekniko jarraitua antolatuko du elkarteentzat.

Ezingo dira izan diru-laguntzen onuradun beren antolakundean eta jardueren programazioan genero berdintasuna begiratzen ez duten entitateak.

4. Elkarrekin eta entitateak irabazteko xederik gabeak izan beharko dira. Eusko Jaurlaritzaren elkarrekin erregistroan inskribatuta egon beharko dira.

5. Elkarrekin deialdi honetarako aurkeztzen dituzten programak eta jarduerak Artziniegako Udalaren urteko kultur programazioaren barruan sartuta egon beharko dira, eta, beraz, udalarekin hitzartu beharko da, alde aurretik, Artziniegan 2018an gauzatuko diren diruz lagundutako kultur programa batzuen eta besteen arteko koordinazio globala lortzeko.

3. artikulua.-Eskabideak eta aurkeztu beharreko agiriak

1. Eskaerak aurkezteko epea hilabete izango da, deialdi hau «Arabako Lurralde Historikoko Aldizkari Ofizialean» argitaratu eta bihamunetik hasita.

Eskabideak inprimaki ofizialean aurkeztuko dira, Artziniegako Udalaren erregistro orokorrean, zuzenean

nahiz Administrazio Prozeduraren Legean ezarritako moduetako batean, eta, betiere, deialdian ezarritako epeen barruan.

2. Alde batera utzi gabe jardun arlo bakoitzak galdegiten duen dokumentazio espezifikoak, eskabideak eredu ofizialean aurkeztu beharko dira, eta, haiekin batera, dokumentu hauek ere bai:



- 1) Eskabidea elkarte ordezkatuz sinatzen duen pertsonaren izen-deiturak eta NANA.
- 2) Diru-laguntzaren epearen barruan garatu beharreko jardueretako bakoitzaren gaineko memoria-proiektua (urtebeteko ekitaldiari dagokiona), euskarak zer presentzia izango duen zehaztuz eta berdintasuna eta dibertsitatea nola barneratzen diren azalduz, baleude.
- 3) Jardueretako bakoitzaren programak eta/edo proiektuak deskribatzea, eguna, lekua eta ordutegia adieraziz. Jarduera zehatzen eskabideak jarduerak kudeatzeko behar besteko aurretiaz aurkeztu behar dira. Laguntza ekonomikoaren eskabidea gorabehera, diru-laguntzaren eskabidetik bereizitako agirian zehaztu beharko da zer beharrizan tekniko dakartzan (kaleak ixtea, oholak eta astoak, kirol pista, oholtza...) diruz laguntzeko eskatzen den jarduerak.
- 4) Garatu beharreko jardueretako bakoitzaren aurrekontu xehakatur, kontzeptuz kontzeptu, berriaz adieraziz gastu eta diru sarrerak, eta diru sarreren artean sartuz beste organismo edo erakunde batzuek eman dituzten edo eman asmo dituzten diru-laguntzak nahiz beste edozein eratako diru-sarrerak.
- 5) Proposatutako jardueran parte hartu behar duten elkarten zerrenda.
- 6) Elkarreak aurreko ekitaldian gauzatu zituen jardueren zerrenda.
- 7) Zerrenda bat, zehaztuz zein jardueratan aritu zen elkarlanean elkarte udalarekin aurreko urtean.
- 8) Zinpeko adierazpena, adieraziz zein beste departamendu, erakunde edo organismori eskatu zaion diru-laguntza, edo, hala balegokio, hala eman diren diru-laguntzei buruzkoa..
- 9) Elkarrearen zerga identifikazioko zenbakiaren fotokopia.
- 10) Eskatzailearen zinpeko adierazpena, jarduera horrek irabazteko xederik ez duelakoa.
- 11) Zuzendaritza Batzordearen inskripzio ziurtagiria.
- 12) Elkarte Eusko Jaurlaritzaren Erregistro Orokorrean izena emanda dagoela egiaztatzen duen agiriaren fotokopia.
- 13) Artziniegako Udalarekiko, Foru Ogasunarekiko eta Gizarte Segurantzarekiko zorrak ordainduta dituelako ziurtagiria.
- 14) Diru-laguntza sartu deneko elkarteren edo pertsona fisikoren kontuaren zenbakia.

4. artikulua.-Diruz lagun daitezkeen gastuak

Diruz laguntzeko moduko gastuak bat etorri behar du, inolako zalantzarik gabe, diruz lagundutako jardueraren izaerarekin, eta, betiere, behar-beharrezkoa izan behar du, eta ezarritako epearen barruan gauzatu, alegia, 2018. urtean; gainera, behar bezala justifikatuta egon behar du, indarrean dagoen araudiarekin eta udal ordenantzaren ezarritakoarekin bat etorritik.

Udalaren diru-laguntzetarako deialdi honen helburua da entitate eskatzaile horien ekintzari laguntzea eta ekintza hori osatzea

Organo eskudunak bere esku izango du aurkeztutako dokumentazioa egiaztatzea hala behar denean, eta, dokumentazio hori ez bada zuzena edo osoa, dagozkion neurriak ezarriko dira.

Datu Pertsonalak babesteari buruzko Lege Organikoa betetzearren (15/1999 Lege Organikoa, abenduaren 13koa), entitate eskatzaileei ohartarazten zaie ezen zerrendan aipatutako dokumentuen arteko zati baten gisa aurkeztutako datuak ez direla erabiliko urteroko diru-laguntza emateko prozeduran baizik, zeinaren deialdia oinarri hauek arautzen baitute.

Eskabidearekin batera ez bada aurkeztu lehen aipatutako dokumentazioa, edo aurkeztutako dokumentazioak formazko hutsegiteren bat badu, interesdunari eskatuko zaio zuzen ditzala hutsegiteak edo osa ditzala aurkeztu gabeak 10 egun balioduneko epean, hala jakinarazten zaionetik kontaktzen hasita.

5. artikulua.-Balorazio irizpideak

Epaimahaiak, diru-laguntzak emateko edo banatzeko proposamenak aztertzeko, irizpide hauek izango ditu kontuan:

1.- Aurkeztutako jarduerak baloratzeko irizpideak: guztira 33 puntu, honela banatuta:



a) Beste elkarte batzuekin harremana izateko gaitasuna: Artziniegako talde batzuek eta besteek nola parte hartuko duten jarduera diruz lagunduan. 2 puntu parte hartzen duen talde bakoitzeko, antolatzailea kontuan hartu gabe. Gehienez 6 puntu.

b) Originaltasuna: ideia berriak, Artziniegako Udalak babesten dituen gainerako elkarteek lantzen dituzten proiektuak ez bezalakoak. 0 - 10 puntu bitartean.

c) Ekonomiaren ikuspuntutik, jarduera baloratuko da gastuen guztirako aurrekontuaren arabera, irizpide honen arabera: 1 eta 1.499 euro artean: 4 puntu
1.500 euro baino gehiago: 6 puntu

d) Finantza ahalegina: (beste finantzaketa iturri batzuk bilatzea). Gehienez 7 puntu. Finantzaketa guztia udalaren gain bada, 0 puntu. Autofinantzaketaren maila ehuneko 1 eta 20 artean bada, 2 puntu. Ehuneko 20 baino gehiago bada. Ehuneko 50 arte, 4 puntu. Autofinantzaketaren maila ehuneko 50 eta 80 artean bada, 6 puntu. Ehuneko 80 baino gehiago bada, 7 puntu.

e) Jarduera non gauzatzen den: puntu 1, jarduera gauzatzen den herrigune bakoitzeko. Jarduera herrigune batean baino gehiagotan gauzatzen bada, puntu bat jarduera gauzatzen den herrigune bakoitzeko (4 puntu gehienez)

Herriguneak: Artziniega, Campijo, Gordeliz, Mendieta, Erreta Tutera, Santa Koloma eta Soxoguti.

2.- Elkarte Artziniegako kultur eta kirol arloan zenbateraino dagoen finkaturik. 20 puntu, honela banatuta:

a) Entitateak herrian zer tradizio duen. 10 urte baino gehiagoko tradizioa eta jarduera baditu, 5 puntu; 5 eta 10 urte arteko tradizioa eta jarduera baditu, 3 puntu; 5 eta 1 urte arteko tradizioa eta jarduera baditu, puntu 1, eta urtebeteko antzintasuna ez daukaten elkarteek ezingo dute eskatu diru-laguntza arruntik.

b) Elkarte eskatzaileak udalaren jardueretan laguntzea. Aurreko ekitaldian lagundutako jarduera bakoitzeko, puntu 1. Gehienez 5 puntu.

c) Gauzatutako jarduerak: Aurreko ekitaldian gauzatutako jarduera bakoitzeko, puntu 2. Gehienez 10 puntu.

3.- Hizkuntza normalizazioko irizpideak. 0 - 6 puntu bitartean.

— Proiektua erabat euskaraz gauzatzen bada, 6 puntu.

— Proiektua ele bitan gauzatzen bada, 3 puntu.

— Jardueran ez bada euskararik erabiliko, 0 puntu.

4. Berdintasun eta dibertsitate irizpideak. 0 - 6 puntu bitartean.

-Proiektuaren helburua bada berdintasuna eta dibertsitatea sustatzea. 6 puntu

-Proiektuak ez badu kontuan hartzen genero ikuspegia sartzea jardueran. 3 puntu.

-Proiektuak ez badu aipatzen berdintasuna. 0 puntu.

5.- Ezein jarduerak ezingo du jaso aurrekontuan izendatutako ekonomia partidan aurreikusitako hasierako kredituaren guztirako zenbatekoaren ehuneko 50 baino gehiagoko diru-laguntza.

6. artikulua.-Instrukzioa eta epaimahaia

Instrukzio prozedura eta epaimahaia diru-laguntzen ordenantza orokorrean aurreikusitakoak izango dira.



7. artikulua.-Bateragarritasuna beste diru-laguntza batzuekin

Diru-laguntzen zenbatekoa, bakarrik edo beste diru-laguntza batzuekin batera, ezingo da inoiz izan diruz laguntzeko eskatu den programaren edo jardueraren kostu osoa baino handiagoa.

8. artikulua.-Ebazpena

1. Ebazpena emateko gehieneko epea bi hilabete izango da, eskabideak aurkezteko epea amaitzen denetik kontatzen hasita. Ebazpena 10 eguneko epean jakinaraziko da, eta ebazpenaren aurka legez zer errekurtso aurkez daitezkeen adierazi beharko da.

9. artikulua.-Diru-laguntza publikoak justifikatzea

1. Diru-laguntzak justifikatu egin beharko dira, Artziniegako Udalaren diru-laguntzen ordenantza orokorrean aurreikusitako prozedurari jarraituz, frogagiriak Artziniegako Udalaren erregistroan aurkeztuz hiru hilabeteko epean gehienez ere, jarduera amaitzen denetik hasita. 2019ko urtarrilaren 31 baino lehen, edonola ere.

10. artikulua.-Aplikatzekoa den araudia

Eskabideak aurkezteko prozedura 38/2003 Legean (38/2003 Legea, azaroaren 17koa, Diru-laguntzen Orokorra) eta Diru-laguntzak Arazten dituen Udalen Ordenantza Orokorrean ezarritakoa izango da.

11. artikulua.-Zenbateko izendatuak

Aurrekontu partida hauetan daude izendatuta programa guztietarako zenbatekoak: 330 481002 "Kultura jardueretarako diru-laguntzak", 341481002 "Kirol jardueretarako diru-laguntzak".

Araubidea: Lehia bidez esleituko dira.

BIGARRENA. Oinarri arautzaileak jendaurrean jartzea eta interesdunen entzunaldia hastera; horretarako, Arabako Lurralde Historikoaren Aldizkari Ofizialean eta udalaren iragarki taulan argitaratuko dira iragarkiak, eta hogeita hamar egun izango dira erreklamazioak edo iradokizunak aurkezteko. Erreklamazio eta iradokizun horiek Udaltzako ebatziko ditu. Epe horretan iradokizunik edo erreklamaziorik aurkezten ez bada, behin-behineko onarpen hau behin betiko onarpen bihurtuko da, Udaltzako berariazko Erabakirik hartu beharrik gabe.

Halaber, interesdunen eskura dago Artziniegako Udal honen web-orrian [helbidea: www.artziniegakoudala.eus].

Alkatea: horixe da lan-bilkura ezberdinetan lantzen joan garen dokumentua, eta orain, hala badagokio, oinarri horiek onartzea, aldizkarian argitaratzea eta eskabideak aurkezteko epea irekitzea legokioke. Oraindik ez dauzkagu aurkezteko eranskinak, elkarrekin agiriak aurkezteko ahalbidetzeko dokumentazioa, baina horixe da oinarrien gaineko proposamena. Baduzue ezer esateko?

Unai Gotxi Kastrexana: bai, beno, esan duzun moduan, elkarrekin lan egin da. Nik gainbegiratu dut eta itxura batean haiekin adostutako gauza bera da. Gauza bakarra, 11. artikuluan, zenbateko izendatuetan, jakina, Gobernu taldearen proposameneko kultura jarduerak eta kirol jarduerak agertzen dira, eta oraindik ez dugu aurrekontua onartu.

Alkatea: aurrekontu atzeratuan oraintxe bertan eskatzen direnak dira, oker ez banago.

Unai Gotxi Kastrexana: bai beno, baina aurrekontua onartu ez badugu nola onartuko dugu bada artikulua hori.

Alkatea: aurrekontu atzeratuan dauzkagunak dira.

Unai Gotxi Kastrexana: esan nahi dudana da orain beste aurrekontu bat onartuko dugula.

Alkatea: dauzkagun partidarik gabe. Edozein modutara, zurian utz daiteke. Artikulu hori kendu,



eta partida behin betikoz nola geratzen den itxaron dezakegu. Gehiago izan dezake edo gutxiago.

Unai Gotxi Kastrexana: hor dago partida-zenbakia ez da beharrezkoa...

Alkatea: edo soberakina gaineratu ala ez gaineratzea edo

Unai Gotxi Kastrexana: dagoeneko hor dago partida-zenbakia ez da beharrezkoa zenbatekoa ipintzea.

Alkatea: ez dugu zenbatekoa ipintzen.

Joseba Elejalde Ribacoba: nik hainbat gauza ditut. 1. artikuluko azken lerroaldean zera ezartzen da "Ezingo dira izan diru-laguntzen onuradun beren antolakundeetan eta jardueren programazioan genero berdintasuna begiratzen ez duten entitateak" Nik, azken batean, talde asko daude, Hiriska adibidez, bere jardueraren barnean % 100 zabalik ez daudenak, edo besterik gabe kakorraz-lanera irekiak, orduan hor, ez dakit, lerroalde horrek hainbat zalantza sorrarazten dizkit, ez dakit udalerrri honetako talde eta elkarte guztiak betetzen ote duten ala ez. 1. artikuluan, diru-laguntzen esparruak eta ildoak izenekoan, hor diruz lagunduta dauden jarduera guztiak adierazten dira, edo diru laguntza eskura dezaketenak. Dakizuen moduan, Aiaraldearen aurka egon izan naiz beti, arrazoi asko direla medio, baina bitxia da Aiaraldeak diru-laguntza nominatibo bat izatea, eta EH-Bildu beti egon izan da diru-laguntza nominatibo guztien aurka, baina kasu horretan ez, kasu horretan onartu egiten du Aiaraldeak zuzeneko diru-laguntza bat izatea, dagoeneko harekin hitzarmen bat ere sinatu da, eta ez dezala beste elkarte mota batzuek bezala diru-laguntza ildo hauetara jo behar. Arreta ematen dit egiaz. Beste gauza batzuetarako oso zorrotzak diren moduan, honetarako ez dira horrenbeste.

Alkatea: puntu hori agian eztabaidagarria zen plan estrategikoa eta ordenantza onartu genituenean. Mesedez orain gaude...

Joseba Elejalde Ribacoba: ni egun hartan ez nintzen egon, nire ikuspuntutik ari natzaizu esaten, nik kontrari zergatik bozkatuko dudana esango dizut.

Alkatea: azaroko osoko bilkuran.

Joseba Elejalde Ribacoba: nik esango dizut zergatik nagoen aurka.

Inmaculada Vivanco Retes: nik esan nahi dudana da bilkura asko egin direla elkarteekin, taldeekin, batzordean jorratu da gaia, bi edo hiru bider elkarte gara, posta elektronikoz hala nahi izan duen pertsona, talde edo partikular orok ekarpenak egin ditu. Ez gara berriro oinarri guztien inguruan eztabaidatzen hasiko horri denbora asko eskaini diogunean eta jende andana aritu denean horretan.

Joseba Elejalde Ribacoba: zuk nahi duzuna kontatu Inma.

Inmaculada Vivanco Retes: ez, nik kontatu nahi dizudana ez. Guztiok kontatu nahi dizuguna.

Joseba Elejalde Ribacoba: utziko didazu bukatzen.

Inmaculada Vivanco Retes: bai, bai, amaitu.

Joseba Elejalde Ribacoba: amaitzen dudanean erantzun didazu, nahi duzuna erantzun ahal didazu. Arrazoiak izango duzu hein batean edo ez duzu izango hein batean.

Inmaculada Vivanco Retes: ez, hein osoan daukat.

Joseba Elejalde Ribacoba: ados, arrazoi osoa duzu. Nik aurkako botoa zergatik emango dudana esango dizut. Eta ez dut zertan batzorde batean esan hitz egin dezaket ala ez, eta arrazoiak izan dezaket ala ez nire arrazoiak azaltzean. Arrazoi osoa dut ala ez. Osoko bilkura batean zioen azalpenean aurkako botoa emateko edo abstentzioa emateko nahi dudana guztia azaldu ahal izango dut. Zuk uste baduzu ez dudala hemen egin behar eta batzordeetan egin behar nuela bada arazo bat daukazu, arazo larri bat daukazu.

Alkatea: batzordeetan eta ordenantza onartzeko osoko bilkuran.

Joseba Elejalde Ribacoba: eztabaidatzen ari zara denbora izan dudala, eta modua eta aukera zurekin eztabaidatzeko edo beste talde batzuekin beste foro batzuetan, edo beste uneren batean.

Inmaculada Vivanco Retes: ez, nirekin ez.

Joseba Elejalde Ribacoba: bada nik esango dizut zergatik, eta zergatik sorrarazten dizkidan nolabaiteko zalantzak. Ni ez bainintzen izan azken batzordean. Azken-aurreko batzordean EH-Bildu alderdiari generoaren gai guztiaren eta gainerakoaren inguruko guztia idazteko gonbitea luzatu zitzaion. Zuri esan zitzaizun, ez al zitzaizun zuri esan generoaren gai guztia idazteko, forma bat emateko horri? Gogoan duzu?

Unai Gotxi Kastrexana: ah, bai.



Joseba Elejalde Ribacoba: Gogoan duzu ala ez?

Unai Gotxi Kastrexana: bain, baina ea, egin genuena... Joseba

Joseba Elejalde Ribacoba: tira ni azkenekoan ez nintzen izan eta zalantza bat sorrarazten didan hori adierazten ari naiz besterik gabe.

Miren Izaskun Perez Barragan: gauza bat, genero aldetiko diskriminazioaz hitz egiten denean, gutxi gorabehera aipatzen duena ez da, adibidez, zuk Hiriska generoarekin lotzen duzu, ezta? Hiriskak, eta beste edozein elkartek, egiten duena da, ez du diskriminatzen gizon bat bere generoagatik bere jarduna burutzeko. Orduan, uste dut horri buruz ari dela. Genero aldetiko diskriminazioaren adibide bat Irunen alardeekin gertatzen dena izan daiteke, izan ere, bada elkarte bat ni emakume naizelako, soilik horregatik, parte hartzen uzten ez didana. Halako jardueraz ari da.

Joseba Elejalde Ribacoba: nik gauza bat esango dizut. Bildu alderdikoek mahai gainean sarritan ipini didaten jarduera bat izan ere. Artziniegako Soka Tira elkarteak, emakumeak, emakumezkoen munduko txapelketa egin nahi dute Artziniegan, diru-laguntza bat behar dute, ez da mundu osoari irekia, emakumeak direla aipatzen du emakumezkoen txapelketa bat delako. Bada, arazo bat izango genuke. Hemengo artikulua hau...

Alkatea: begira, Joseba, esaten duzun horrek, barkatu baina ez du zentzu handirik.

Joseba Elejalde Ribacoba: ados, ados, berriro gauza bera, nik ez daukadala argi. Ni esaten ari naiz zenbait gauza nire ustez badirela hemen barruan hobetu egin daitezkeenak... ezetz esaten didazula, hori ikuspuntu zabalagoa duten pertsonentzat dela, izan ere, zuek oso irekiak zarete nahi duzuenean, eta nahi duzuenean itxi egiten zarete erabat, 2x2 eran. Baina ez dio axola, ez da deus gertatzen.

Alkatea: Joseba, bi batzorde izan ditugu, elkarteekin hiru bilkura izan ditugu, kultur arloko teknikariak begiratu du gaia, berdintasun arloko teknikariak begiratu du.

Joseba Elejalde Ribacoba: ados, kito.

Unai Gotxi Kastrexana: Joseba, uzten badidazu, aipatu egin gaituzun horretan... lehendabizi Hiriskarena, nik elkarteekin egindako bilkuran esaldi horri adierazpen txiki bat ipintzea proposatu nion, besterik gabe, positiboki diskriminatzen duten eta emakumeen, etorkinen kolektiboen, homosexualen edo dena delakoaren balioa goren duten elkarte edo talde horiek barneratzeagatik. Hiriskakoak bilkuran zeuden eta esan zuten beren jarduerak jende orori daudela irekiak, nahiz eta emakume-talde bat diren. EH-Bilduren kontua, irrigarria gertatu zait esatea ez zaizkigula gustatzen diru-laguntza zuzenak, izan ere, gu Udalak sinatzen dituen hitzarmenen alde gaude, baina beti tartean hitzarmen bat bada. Hau da, ez diru-laguntza zuzen egitea, horrela, besterik gabe, to, Udalaren eta elkartearen artean kontratuzko harremanik finkatu gabe.

Joseba Elejalde Ribacoba: Unai zuek Aiaraldeari emandako zuzkidura babestu duzue hitzarmenik ez zegoenean. Ez iezadazu esan alde zaudenik, niri oso ongi iruditzen zait zuek esatea "Euskara sustatu behar da eta gure ustez Aiaraldea irabazi asmorik gabeko enpresa bat da, nahi duzun bezala deitu, Euskara Kuadrillaren barnean lekutzen duena eta diruz lagunduko dugu", ongi. Baina esango dizuet gai batzuetan hitzarmena egonik ere abstentzioa eman duzuela, eta honetan hain juxtu ez duzue abstentzioa eman, eta galdera bat zen, Zergatik ez duzue sartzen Aiaraldea hemen? Diru-laguntza zuzena izan beharrean...

Alkatea: Joseba, eskatuko nizuke heltzeko hertsiki...

Joseba Elejalde Ribacoba: ez kezkatu, nik jarraituko dut.

Joseba Vivanco Retes: ez, arrazoiak izan ere, iaz Aiaraldearekin hitzarmenik ez bazegoen izan ziren arrazoiak ondorioz izan zen hori, atzeratu zen guztiagatik, papera bidaltzen ez zituztelako, bidaltzen zituztelako, edo bidaltzeari uzten ziotelako. Baina hori ere ez, museoarekin hitzarmena ere iraungita dago eta berriro egin behar da, eta ados gaude museoa babestu egin behar dela eta beste hainbeste Gurasoen Elkartearekin. Hau da, gorabeherak gorabehera ez daude edo eguneratuta, edo une hartan ez zeuden, baina argi genuen kasu horietan, estrategikoki, politikoki, nahi duzun bezala deitu, beharrezkoa zela hitzarmen bat.

Alazne Lafragua Ureta: bai, nik, gertatzen dena da agian egia dela dagoeneko eztabaidatu dela hori eta ez duela zentzu askorik, baina Soka Tira taldeari buruz esan duzuna, guztiak emakumeak direla. Tira, argi dago egoera horretan egiazko berdintasunik ez dagoela. Hortik



hasita. Orduan gizonetzkoen futbol talde batean emakumeak sartzen ez diren bezala, ulertuko duzuen moduan emakumezko talde batean ezin da gizonik egon.

Joseba Elejalde Ribacoba: ez natzaizu hori esaten ari, esaten ari naiz zuk bihar hemen Artziniegan txapelketa bat egin behar duzunean, eta zuk azken batean eskaera egiten duzunean, eta soilik emakumeena den txapelketa bat egiteagatik puntuazio gutxiago izango duzula nik baino, baldin eta nik mistoa egiten badut. Ulertzen da? Ni errora noa, hemen jartzen ari garen horretara, askotan herren geratzen da. Nire ustez. Askoz ere lehenago eztabaidatu beharko nukeen. Bada, agian bai.

Alkatea: ez duzu puntuazio gutxiago izango.

Unai Gotxi Kastrexana: ez dut eztabaida luzatu nahi baina nik kasu honetan esan duzunaren alde nago... emakumeen artean egiten den txapelketa bati puntu gehiago emateaz ari naiz, izan ere, azken batean diskriminatuta egon den hori ari zara balioan jartzen, denbora honetan guztian ezkutuan egon dena. Baina tira, hori elkarte guztiekin ere aipatu da.

Alkatea: eta hori bera dugu oinarrietan.

Unai Gotxi Kastrexana: eta niri batzorde bati esan zitzaidanari buruz esan dunaren gainean, bai, proposamen batzuk egin nituenean esan zitzaidan eta proposatu, EH-Bildu udal taldeari proposatu zitzaigun, irizpideekin lotutako proposamen bat egin genezala. Guk proposamen hori bidali genuen eta gero hemen jorratu zen elkarte guztiekin.

Joseba Elejalde Ribacoba: ni ez natzaizu ezetz esaten ari. Ni esaten ari natzaizu, badakidala ez nintzela izan eta egon behar nukeela, egun horretan orain azaldu behar dudan guztia azaldu behar ote nuen? Bada, baita. Baina izan ez nintzenez, azaltzeko dudan modu bakarra hau da, hemen.

Unai Gotxi Kastrexana: bai, bai, bai, ados nago.

Joseba Elejalde Ribacoba: zuek argi baduzue nik ez dut inolako arazorik. Zuek argi baduzue hau dela osoko bilkura honetara eraman nahi duzuen, onartu, eta bihartik aurrera izan dadila hau... bada, kito.

Alkatea: bai, izan ere, horixe da elkarteekin hiru bilkura izan ondoren landu duguna, eta hori da adostu dena.

Joseba Elejalde Ribacoba: Ados nago ordea, ez natzaizu ezetz esaten ari lñigo, mesedez, ez dakit nola azaldu alajaina. Nire ikuspegitik ikusten dudana esaten ari naiz. Zuri ongi iruditzen bazaizu aldeko botoa emango duzu eta nik nire kontzientziak eta nire buruak esandakoa bozkaturko dut eta, gai hau ikusteko nire moduaren arabera. Eta oker egon naiteke, ala ez. Ni esaten ari natzaizu zera... ni panfleto honen barnean, plegu honetan, ikusten ari naizena.

Alkatea: Joseba, ez da panfleto bat ordea, berriro diot, bi batzorde eta hiru bilkuretan landu diren oinarriak dira.

Inmaculada Vivanco Retes: hori burutzen aritu den jendeari errespetua zor diezu, eta horretan eman den denbora guztiari.

Joseba Elejalde Ribacoba: barkamena eskatzen dut. Beno, ondoren, euskararen gaiari dagokionez, noski, Josebak izan ditugun bilkuretako batean aipatu duen diskriminazio positiboarekin jakina ez nago ados, hori oso argi utzi nahi dut. Ondoren, ipintzen duzun hiru zenbakiari dagokionez..., lau zenbakiari, berdintasunerako eta aniztasunerako irizpideak, nola balioetsiko dira irizpide horiek, subjektiboki noski aurkeztutako proiektuan. Nik ezin dut nahi dudana ipini baina, egiaz, Nork egingo du jarraipena azkenik jarduera hori aurkeztutako proiektuan burutu den ikusteko? Kontu hori niri ere, gauza bat da nik, berdintasun-irizpideei dagokienez, aurkeztu dudana proiektuan jar dezakedana, oso polita jar dezaket eta gero egiaz, aurkeztu dudanaren erdia ere ez izatea.

Unai Gotxi Kastrexana: uzten badidazu, Joseba, puntu honetan, argituko dizut...

Alkatea: hori balioetsiko dugu, berdintasun arloko teknikari bat dugu, eta beno, hark egingo du proposamen teknikoa. Hain zuzen, testu hau berak proposatu zuen.

Unai Gotxi Kastrexana: Hitz egin dezaket orain?

Alkatea: bai, bai, Unai, bai.

Miren Izaskun Perez Barragan: hitzaren txanda banatzen duena, ez dakit, ni hemen berria naiz, Alkatea da.

Unai Gotxi Kastrexana: hemen sekula ere ez.



Miren Izaskun Perez Barragan: bai, baina araudi bat dago...

Alkatea: ez, hemen tolerantziari bide ematen diogu nolabait.

Miren Izaskun Perez Barragan: ...adierazten duena hitzaren txanda Alkateak ematen duela, Unai, bestela eromena da hau.

Alkatea: Unai.

Unai Gotxi Kastrexana: Joseba, bai, irizpide hau argitzen uzten badidazu, guk proposatutakoaren oso antzekoa delako esaten dizut, eta nahiko argia da, hau da, proiektuaren xedea helburuetan berdintasuna edo harekin zerikusia duena sustatzea bada, ebaluatu egiten zaizu. Horrela jorratzen baduzu apur bat zeharka, pixka bat gutxiago ebaluatzen zaizu, eta jorratzen ez baduzu, bada ez zaizu ebaluatzen. Ageriko kontua da. Gerta daiteke hona elkarte bat etorri eta proiektuan ederki ipintzea egingo duela, egingo duela eta egingo duela, eta azkenean ezer ez. Bada, arrisku hori duzu guztiarekin.

Joseba Elejalde Ribacoba: nik ikusi dudana besterik ez dizut esaten. Gauza askotan bat gatoz eta beste batzuetan ez. Kito.

Unai Gotxi Kastrexana: nik hau argitzen dizut guk proposatutakoaren oso antzekoa delako.

Joseba Elejalde Ribacoba: nik ikusi dudana ebaluatzea da, besterik ez. Hemen egon behar zuela, bada bai, eta proposamenak bere garaian egin behar zirela, bada bai, baina tira, gaur egiten ditut egun horretan ezin izan nuelako egon, eta osoko bilkurara ekartzen ditut nire eskubidea eta nire betebeharra delako.

Unai Gotxi Kastrexana: zalantza bat baino ez dizut argitu.

Joseba Elejalde Ribacoba: orduan, azkenean ekarri egin dut, ados egon ala ez egon. Ez horregatik, eta barkatu Inma, nire asmoa ez zen inori errespetua galtzea, ezta gutxiago ere, panfleto esan dudanean ez zen nire asmoa inori errespetua galtzea, baina ezin daitekeena da zuk, lehendabizi, aldian-aldian etetea, niri esatea hiru bilkura izan ditugula, ados, hiru bilkura izan ditugu, 36 izan baditugu ere, ni ezin izan naiz egon, bada kito. Ni ezin izan naiz egon azkenekoan, ezin izan ditut nire alegazioak aurkeztu, eta osoko bilkuran honetan aurkezteko aukera izango dut, eta zuk entzutekoa, eta ez badituzu entzun nahi altxatu eta joan. Baina aukera eta abagunea daukat oinarri hauen inguruan pentsatzen dudana esateko. Eta oinarri horien gainean hau da uste dudana. Orain, esaten badidazue guztiok, guretzat oso egokiak dira. Bada, kito, bikain, bozkatu egiten da, alde ateratzen da, eta hau izango da diru-laguntzak eskuratzeko oinarriak aurtekoa aurrerantzean.

Bozkatu egin da:

Kontrako botoak:

Batere ez.

Abstentzia:

Joseba Elejalde Ribacoba, PP alderdiko zinegotzia (1).

Aldeko botoak:

Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan, EAJ alderditik(4); Joseba Vivanco Retes, Arkaitz San Jose Martinez, Unai Gotxi Kastrexana eta Alazne Lafragua Ureta, EHBildu alderditik (4);

Onartu egin da.

6.- 2017ko laugarren hiruhilekoko "ordainketarako batez besteko epealdia" txostenaren berri ematea.

Alkatea: epealdia, beno uste dut dokumentazioan ez zela jasotzen, -8,04 da.

Bertaratu diren korporazioko kideek jakintzat eman dute: Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan, EAJ alderditik(4); Joseba Vivanco Retes, Arkaitz San Jose Martinez, Unai Gotxi Kastrexana eta Alazne Lafragua Ureta, EHBildu alderditik (4); Joseba Elejalde Ribacoba, PP alderdiko zinegotzia (1).



7.- Alkatetzaren ebazpenak jakinaraztea.

Alkate jaunak, idazkariak lagunduta, 2017. urteko 1-17 bitarteko Dekretuak direla jakinarazi du, eta 305 zenbakia barne dago, faltan baitzegoen.

Alkatea: Zerbait esan nahi baduzue.

Alazne Lafragua Ureta: bai, 5. zenbakidun dekretuan, Udaletxeko lau galdara-gelen mantenuari buruz, ez da adierazten ez zenbatekoa, ez kopurua ez ezer.

Alkatea: ongi, bada aldatu egingo da eta kito.

Alazne Lafragua Ureta: ados.

Joseba Vivanco Retes: nik 4. zenbakia ere aipatu behar nuen, baina tira ikusi dut Zaballa kaleko etxebizitzetako auzotarren sarrera bat dagoela...

Alkatea: bai, haiekin ere izan genuen bilkura bat, dekretuaren edukia ezagut zezaten pixka bat, komunikazioaren aurretik. Egon da alegazio bat egin duen auzotar bat, eta guztion erantzunak aztertu beharko dira pixka bat, eta halaxe da, obraren azken ziurtagiria ere badugu dagoeneko aztertu ahal izateko. Ez dut atzoko erregistroa ikusi.

Joseba Vivanco Retes: edozein kasutan, helarazi duten paperean, igortzen zaien Alkatetzako dekretuari helduz, gero hartuko den irtenbidea ere ez da zehatz-mehatz dekretuan jasotzen dena. Beraz, honetan ikusten dudaren arabera, beraiek zatiren bat hartuko dute beregain, edo..., ez dakit nola. Jakina, dekretuan, azken batean esaten zaiena da irtenbide bat emateko edo Udala izango da modu subsidiarioan obra hori gauzatuko duena eta ondoren dagokion gastua helaraziko die, baina ez dakit azkenean...

Alkatea: proposamena ikusi eta akordio batera iritsi ote daitekeen ikusi behar da.

Joseba Vivanco Retes: Baina, Udalak egingo al du azkenean zatiren bat, gauzatuko al du zatiren bat, edo beregain hartuko al du zatiren bat?

Alkatea: agian bai.

Joseba Elejalde Ribacoba: gai horren barruan, espediente denaren barnean, ipintzen duzuen enpresaren gaia, Ebrorena, Ebro dagoeneko deseginda eta likidatuta dagoen enpresa bat da, hau da, azkenean dekretuan ipintzea enpresa horri zati bat eman edo ahotsa emateko aurkez dezan denboran eta forman...

Alkatea: beno, auzotarrekin bilkura izan genuen egunean, norbaitek mugikor bat atera zuen, eta Ebro enpresako bazkideetako batekin hitz egiten ari zen. Enpresa ez dago, baina bazkideak bai.

Joseba Elejalde Ribacoba: nik ez dakit juridikoki aurkeztu ahal izango diren ala ez. Ni, orain eraikuntzak ez dakit zer naizenez, ez dakit, galdera bat da, izan ere, azkenean, modu subsidiarioan, Ebrori egotzi ahal zaio ala ez, izan ere, jakina, entrega gaurdaino oraindik ez da egin. Ez dute obraren amaiera aurkeztu, orduan, azken batean, nik ez dakit 10 urteak aurrera doazen, edo igaro diren esan nahi dut, edo obraren amaiera arkitektoaren, arkitektoen elkargoaren edo dena delakoaren sinadurarekin aurkezten dutenetik aurrera hasten den zenbatzen denbora hori, izan ere, gai honetan beti gertatzen denez, beti herrenka goaz. Artziniegako futbol-zelaiarekin gertatu zitzaigun, erantzukizuna eskatu nahi izan zenean guztia preskribatuta zegoela eta honetan nik ez dakit, badakit ez dela gure kontua, obra gaizki gauzatu delako kaltetuak diren auzotarren kontua izango da, baina egia da azken batean Udalak berak ez dakit enpresa inputatu dezakeen ala ez.

Alkatea: guk enpresari jakinarazi diogu, construcciones Ebro enpresari, eta, era berean, jakinarazi dugu eta eskatu dugu, dekretua proiektuaren erredaktoreei igorri diegu. Eta jabe dunei ere jakinarazi diegu, izan ere, azken batean, horiek dira erantzule subsidiarioak.

Joseba Elejalde Ribacoba: obraren amaiera eman eta proiektua jasota zegoen moduan gauzatu zela ikusi eta ontzat eman behar zuen enpresak edo arkitektoak oraindik ez badu egin, izan ere, oraindik ez du obraren amaiera egin, ardurak arkitektoak duen, edo aparejadoreak, edo..., azken batean modu subsidiarioan erantzukizunen bat izan behar du. Izan ere noski, berriro zerera goaz, eta berriro futbol-zelaiaren kontua aipatuko dut. Izan ere, futbol-zelaiarekin, azken batean, arazoa Viteri izan zen, baina arazoa arkitektoarengandik eratorritzen zen, izan ere, likidazioa egin zuenean, ez zuen ongi egin, eta hortik aurrera hainbat arazo izan genituen. Orduan, ea hau



hemen eska daitekeen epeak igaro aurretik edo epea dagoeneko igaro ote den jakitea, preskribatu ote den, eta proiektua idatzi zuen lantaldea ere dagoeneko ez duen inolako loturarik, ezta inolako erantzukizunik ere modu subsidiarioan. Kontuan hartzeko.

Alkatea: bada, horretan gabilta. Dekretuarekin espediente bat abiatzen da daukaten arazo puntualari irtenbide bat bilatzeko, hots, ura sartzen dela eta duten arazoari. Gero, jakina, haiek bestelako inguruabarrak izan ditzakete eraikitzaileekin, obran akatsen bat izan dezakete, ez dakit nik ekintza judizialik abiatuko ote zuten ala ez eraikitzailearen aurka edo proiektua idatzi zuenaren aurka.

Bertaratu diren korporazioko kideek jakintzat eman dute: Iñigo Gomez Unzueta, Inmaculada Vivanco Retes, Maria Lorente Burgos eta Miren Izaskun Perez Barragan, EAJ alderditik(4); Joseba Vivanco Retes, Arkaitz San Jose Martinez, Unai Gotxi Kastrexana eta Alazne Lafragua Ureta, EHBildu alderditik (4); Joseba Elejalde Ribacoba, PP alderdiko zinegotzia (1).

8.- Udal kudeaketaren kontrola.

- Iñigo Gomez Unzueta: ezer baino lehen, esan, aurreratu, atzo ekarri zituztela makinak pilotalekuan, eta gaur hasiko direla kristalak kentzen. Gertatu dena da kristalak garbitu zirenean baten bat solte zegoela hauteman zela, eta erotzeko arriskuan izan zitekeela. Agian duela hamar urtetik zegoen horrela eta ez zen erortzen baina badaezpada, zuhurtziaz, hesitu egin zen, eta premiaz enpresa bati agindu zaio kristalak kendu eta ondoren profilatzeko, eta burdineriako aurrekontu baten zain ere bagaude, kristalen egitura indartzeko. Berme-epean gauden ala ez, hori ikusiko dugu, baina premiaz esku hartu behar izan dugu, arazoak ekiditeko.

Joseba Vivanco Retes: Zer da, zehazki, kristalen gaiarekin egingo dena? Kendu eta berriro ipini?

Alkatea: bai, kendu, profilatu eta, ondoren, seguruago jarriko dute eta, gero, egituran hobeto iltzatuko dira, halako ustekabeak ez izateko, izan ere, orain guztiak batera daudela, elkarri lotuta daudela, ematen du, guztiak atzetuta ez badaude ere kendu egin beharko dugu, guztiak ez badira, gehienak.

Joseba Elejalde Ribacoba: edozein kasutan, profila guztietan berdina izango da, ezta? Solte daudenetan konpondu edo aldatuko den profila eta oraindik eutsita daudenek dutena berdina izango da.

Alkatea: bai noski, ipin dezagun ongi.

Joseba Elejalde Ribacoba: kristaldegia den guztia askatu, profilak aldatu, eta berriro kokatu eta muntatu.

Alkatea: bai.

Joseba Elejalde Ribacoba: nik ulertu nuen batzuk kendu egingo zituztela eta beste batzuk ez.

Alkatea: ea, ez, batzuk ondo daude, egiaz ez dira ongi ikusten xehetasunak, izan ere, Raul eta Javier daude, bere garaian proiektu honetako obra-zuzendaria izan zena, haiek ere begiratu dute eta hasiera batean ez daude guztiak solte, baina jakina guztiak seguru ipini behar ditugu arazorik egon ez dadin. Silikonaz lotuta zeuden, eta kasu batzuetan silikona hori askatu egin da.

- Unai Gotxi Kastrexana: joan den astean festetako espedientea begiratzin aritu nintzen eta harrিতuta geratu nintzen ez zegoelako fakturarik eta ezta partidaren itxiera ere, aurrekontuarena. Halaber, ez zegoela ikusita, 2016. eta 2015. urteetako festetako kaxak ere eskatu nizkien, eta 2016koan ere ez zegoen, ez zegoen ezer, eta 2015ekoan partidaren itxiera bazegoen, edo partidaren likidazioa. Orduan, ez dakit ez dagoen egon behar ez duelako, ni harritu egin ninduen baina tira, esaten badidazu gauza horiek ez direla artxibatzen festetako espedientearekin, bai eskatuko dudana da aurtengo festetako partidaren likidazioa eskura dezakedan eta iazkoa.

Alkatea: 2018koa?

Unai Gotxi Kastrexana: 2017 eta 2016.

Alkatea: iazkoa eta aurretikoa.

Unai Gotxi Kastrexana: ados, Iñigo, ados.



Inmaculada Vivanco Retes: nik uste dut fakturak ez direla artxibatzen, fakturak Jesusek ditu artxibatuta dagozkion ordainketekin eta ez dira artxibatzen. Eta egia da, orain esan duzunez, laburpenari dagokionez, beste urte batzuetan ni arduratu izan naiz festekin, Excel dokumentua helaraziko nuen laburpen guztiarekin, Jesusek faktura guztiekin duenaren berdina dena, itxi gabe dago. Ordenagailuan daukat baina ez dut atera. Baina nik uste dut fakturak ez direla sekula sartuta egoten.

Unai Gotxi Kastrexana: bai, ni harritu egin nau. Nik bertan aurkitzea espero nuen eta aurreko urteetakoak ere aurkitzea espero nuen.

Inmaculada Vivanco Retes: ez dira sekula sartzen. Ni noizbait Jesusengana joan behar izan naiz begira diezadan, kopia bat atera diezadan edo faktura ikusten utz nazan, zer zegoen ikusteko.

Unai Gotxi Kastrexana: ez, arlo ekonomikoari dagokionez ez dago ezer, 2015ekoan salbuetsita, hor partida baten likidazioa badago, baina azken bi urtetan ez dago ezer. Uste dut eskatzeko baimena daukadala.

Inmaculada Vivanco Retes: 2016. urteari dagokionez baduzu zuk daturik?

Unai Gotxi Kastrexana: bai, baina ez partida guztiarena.

- Joseba Vivanco Retes: ezer baino lehen, bizpahiru galdera. Zorionak guztiontzat, guztiontzat uste dut, izan ere, errepideko ispiluak ipini dira halako batean.

Alkatea: Aldundiak ipini ditu bai. Ez dakit ez ote dagoen bat oso ongi doitu gabe, ongi ipinita ez dagoena.

Joseba Vivanco Retes: Hara! Guztia ezin zen pefektua izan. Gauza bakarra eskatu nahi dut, ziurrenera urtebete baino gehiago pasa da ordutik, hor, urbanizazioaren irteeran, ispilu bat eskatuz lehen idatzia sartu zuen pertsonari, behintzat idatziz erantzutea idatzi hari eta adieraz dadila bertan ispilua dagoeneko ipini dela nahiz eta jadanik bi aste pasa, edo astebete, ikusi duenetik. Adeitasunez besterik ez bada ere.

Alkatea: uste dut badakidala nor izan zen aipatu zuen lehen pertsona. Ez diogu idatziz erantzun. Ni egon naiz berarekin. Pertsona bera da bai.

- Joseba Vivanco Retes: galdetu nahi nuen ea, joan den egunean aurkezpen nolabait publikoa egin zitzaion merkataritzaren sektoreari merkataritza eta turismo arloa indarberritzeko diagnosa jasotzen duen dokumentua aurkeztuz, galdetu nahi nuen ea gobernu taldeak ba ote duen dagoeneko eskemaren bat, jarraituko den ibilbide-orri baten zirribororen bat, aurrerantzean dagoeneko dokumentu hori edukita, nola aplikatuko ote duen dokumentu hori, edo daukagun tresna hori, bederen ba ote duen eskemaren bat eginda.

Alkatea: bada, Ikertalde enpresari eskatu diogu percontour hau abiarazterakoan apur bat lagun gaitzan, nola abiarazi ikusteko, eta haien aldetik jarraibideak jasotzeko zain gaude pixka bat.

Joseba Vivanco Retes: gai horrek aparteko proiektua eskatzen du.

Alkatea: ez.

Joseba Vivanco Retes: aparteko kostua esan nahi dut.

Alkatea: ez, ez, hasiera batean ez.

Joseba Vivanco Retes: eta ondoren, era berean gai horrekin, dakidanez herriko bi ile-apaindegiri gutxienez, ez zitzaion gonbidapena luzatu aurkezpen horretarako. Ez dakit hala den, merkataritza modura hartu ez ote diren, edo...

Alkatea: bada ez dakit, egia esan ez dakit, izan ere, web-orrialdean zerrenda daukagu argitaratuta, eta ez dakit, pentsatzen dut ile-apaindegiak ere egongo direla zerrenda berean.

Joseba Vivanco Retes: izan ere, gutxienez bi, ez dakit lau edo hiru dauden, oraintxe bertan ez dakit zenbat dauden, bik bederen ez zuten gonbidapena jaso, baten batek inkesta ere ez zitzaiera egin esan zidan, beste batek inkesta helarazi bai baina ez ziotela jaso esan zidan, beraz ikusten da kontuak herren egiten duela. Niri ere arreta eman zidan ez zegoelako adibidez, eta gero galdetu egin nuen, Etnografia Museoa ere adibidez ez zegoen gonbidatuta gaiaren aurkezpenera, eta nik uste dut, gaiarekin lotuta lan egiten duen jendeak, edo arlo turistikoan lan egiten duen sektoreak, han egon behar zuela baita, izan ere, neurri batean eragiten zion gaiak, edo interesgarria zitzaion han hitz egingo zena, haiengan ere eragina duelako. Orduan, bada, ez



dakit, ile-apaindegiaren kontuarekin, harritu egin ninduen ez zituztela gonbidatu esan zidatenean, gainera bi izanik...

Alkatea: ile-apaindegiekin agian akatsen bat egon da jakinarazpenean.

- Joseba Vivanco Retes: gero, era berean, galdetu nahi nuen, ez dakit noizko aurreikusten den, edo kalkuluren bat ba ote den, edo asmorik, SR-1 zonaldeko auzotarren gaiarekin burutzeke dagoen bilkura dela eta, urbanizazioaren konponketak direla medio egoera azaltzeko haiekin hitzordua finkatzeko gaiarekin lotuta, eta diruarekin zer egingo ote den, eta abar.

Alkatea: oraindik ez daukagu Raulen doikuntzaren txostena. Raulen behin betiko txostena ez daukagun oraindik. Baina jaso bezain laster hori bai...

Joseba Vivanco Retes: gehienbat atzera ez dadin, izan ere, azkenean...

Alkatea: eta egia da esku hartu beharrean gaudela, aurten beranduenez eginda izan behar dugu hori.

Joseba Vivanco Retes: esku hartu baino gehiago, bilkura egin behar da lehenbailehen jendearekin gaia zertan den eta zer egingo den azaltzeko, jakin dezaten. Behin hori abiatuta bestea ere abiatuko da.

- Joseba Vivanco Retes: eta gero, galdetu nahi nuen, guztiok idatzi bat erregistratu genuen Udal Gobernuari eskatuz bilkura bat izan zezan ikastetxearekin eta Barratxi guraso elkartearekin ikastetxeko aparkalekuaren inguruan dauden makalak direla eta, eta ikusi ea bere aldetik ba ote zen planteamenduren bat zuhaitz horiekin...arriskurik ba ote zegoen ala ez, edo zer egin behar izan den, ez dakit bertan izan den...

Alkatea: Parkingean daudenekin lotuta diozu?

Joseba Vivanco Retes: parkingean eta beren jolaslekuaren zonaldearen barnean, orduan ikusirik bi dagoeneko erori zirela, orain arte ez baitziren erori baina dagoeneko bi erori dira, nik ez dakit kezkatu ote dauden ala ez.

Alkatea: Guraso elkartearekin ez gara egon. Nik sektoreko profesional batekin hitz egin dut, eta esan diezadala apur bat nola dauden bere ustez makal horiek, eta hasiera batean ongi daude. Baina, segurtasunagatik kendu egingo ditugu? ikastetxeak uste badu hobeto dela kentzea, orduan ken daitezela.

Joseba Vivanco Retes: tira, guk planteatu egin genuen, izan ere, agian, ikastetxearen barnean edo Guraso elkartearen, egon daiteke kezka egunen batean haizearekin, eta ikusten ari gara gero eta haizete indartsuagoak ditugula, bederen nabarmena, bi erori dira dagoeneko, eta agian segurtasunik ezaren sententzia edo dena delakoa dago, orduan guk Udal modura edozein erabaki hartu aurretik ikusi apur bat zein iritzi duten. Agian esaten dute "aizu ez, izan ere, ez dakit zer eta badakit zer", edo esaten dute "bai, hau arriskutsua da eta beldur gara", eta bederen, zerbait egiten bada, haiekin adostu dadila egin behar den hori.

- Alazne Lafragua Ureta: nik ezer ez, soilik galdetu nahi dut ea irizpideren bat dagoen Osoko Bilkurak beranduago hasteko nor datorren edo nor ez datorren kontuan hartuta, izan ere, Inmaren zain egon gara, baina joan den hilean ez ginen Unairen zain egon, orduan ez dakit irizpide argiren bat dagoen ala besterik gabe gehiago interesatzen zaidan nire laurak hemen egon daitezela eserita eta oposizioko gutxiago egon daitezela, izan ere, uste dut Arkaitzek ohartarazi dizula 10etan joan egin beharko zela, eta punturen bat bozkatzeko geratu da eta, kasualitatez, aldeko botoa zen eta ez da ezer gertatu, baina aurkakoa izan zitekeen botoa eta boto hori gabe gera gintezkeen. Orduan, jakin nahi dut irizpideren bat ote dagoen edo hala den gehiago interesatzen zaidalako.

Alkatea: bada, inguruabar meteorologikoak direla eta, beranduago etorri eta itxaron egin dugulako.

Alazne Lafragua Ureta: bai, bai, oso ongi iruditzen zait itxarotea...

Alkatea: eta ez dut gogoan joan den egunean Unai...

Alazne Lafragua Ureta: istripu batean zegoen.

El Alcalde: nik ez dakit ba ote genekien zein ordutan iritsiko zen ala ez. Baina kasu honetan bagenekien Inma zein ordutan iritsiko zen.



Alazne Lafragua Ureta: niri, Iñigo, oso ongi iruditzen zait Inmari itxarotea, Inmari itxaron diogu. Inmaculada Vivanco Retes: nik ohartarazi dut beranduago iritsiko nintzela, hortik aurrera nire zain egongo ote zineten ala ez...besteren batean, osoko bilkuraren bat hasi izan dugu apur bat beranduxeago, itxaroten aritu gara...

Alazne Lafragua Ureta: baina jadanik konparaziozko bidegabekeria kontua da, esan nahi dut Osoko Bilkura honetan itxaroten diogu...

Inmaculada Vivanco Retes: beranduago hasi da, ez dakit itxaron duzuen adina gaur, ezin dut esan, baina beste osoko bilkuraren bat bai hasi izan dugu beranduago.

Alazne Lafragua Ureta: konparaziozko bidegabekeria hori jasotzearen zen besterik gabe, hau da, joan den hilean ia gauza bera gertatu zen, Unai 20 minutu pasata iritsi zen, eta minutu erdia ere ez genuen itxaron, eta bagenekien istripu batean zegoela. Osoko Bilkura hau 20 minutu pasata hasi dugu Inma 20 minutu pasata iritsi delako. Besterik gabe, jaso dadin.

Alkatea: ez dut gogoan, Unai noiz iritsiko zen ziurtasunez ba ote genekien ala ez.

Inmaculada Vivanco Retes: nik banekien berandu iritsi zela baina ez nekien zergatik.

Alazne Lafragua Ureta: kontua da, azken batean, jakinik Arkaitzek 10etan alde egin behar zuela, eta Josebak ere esan du presaka dabilela, kontua da 20 minutu pasata hasi garela, EAJ alderdiko 4 zinegotzi egotea gehiago interesatzen zelako.

Alkatea: kasu honetan ziur genekien noiz iritsiko zen.

Alazne Lafragua Ureta: berdin da, ziur genekien baita Arkaitz noiz joango zen.

Miren Izaskun Perez Barragan: bai, baina bakoitzak, bere lan-hitzarmenean, beren lanpostuetan, osoko bilkura hauetara etortzeko orduak ditu edo aukera.

Alazne Lafragua Ureta: bai.

Miren Izaskun Perez Barragan: Orduan, zein da arazoa?

Alazne Lafragua Ureta: bada, alderatzen badugu joan den hilea hile honekin, adibidez...

Miren Izaskun Perez Barragan: Zein ordutan eman zenuen abisua?

Alazne Lafragua Ureta: Unai? Ohartarazi zuen... jakina.

Miren Izaskun Perez Barragan: Zein ordutan ohartarazi zenion Iñigori berandu iritsiko zinela? Osoko bilkura hasita zegoen jadanik.

Alazne Lafragua Ureta: osoko bilkura hasteke zegoen.

El Alcalde: hori ere ez dut gogoan.

Miren Izaskun Perez Barragan: nahi baduzue hurrengoan esan diezagula, aizu, ez naiz iritsiko, baina garaiz eman abisua. Baina nire lehendabiziko osoko bilkura zen, ordua zen, eta orduan esan zenuen "Unai ..."

Alazne Lafragua Ureta: aurrez eman genuen abisua noski, lehenago ohartarazi genuen Unai ez zetorrela. Baina kontua zera da, guztiontzat egiten da ala inorentzat ez. Oso ongi iruditzen zait Inmaren zain egotea, ez daukat inolako arazorik, baina orduan guztion zain egion behar dugu.

Inmaculada Vivanco Retes: nik, nire aldetik, barkamena eskatu nahi dizuet, izan den arrazoiagatik izan da, gero kontua da hemen ez zegoela ezer, baina Laudion itxura txarra zuen kontuak eta ez nintzen ausartzen autoa hartzera, baina...

Alazne Lafragua Ureta: ez da hori kontua Inma, ez naiz horretaz ari.

Inmaculada Vivanco Retes: bai, izan ere, pentsatu dut agian egongo zela presaka zebilen jendea, pentsatu dut, baina esaten dizuet era berean beste osoko bilkuraren batean ere egon garela inor etortzeko zain, ordu laurden edo hamar minutu pasa izan ditugu zain. Beste inoiz egin izan da. Ez dakit zehazki norekin, baina badakit noizbait egin dela.

- Joseba Elejalde Ribacoba: aurrekoan azaldu nuen, besterik gabe, beste behin, Aldundiari esatea garbi ditzala errepideko hustubideak. Erretan, Baserrietara igotzen bazara, denak hostoz, adarrez eta lokatzez beteta daude, ura behar duen lekutik igaro beharrean errepide erditik doa, eta ondorioz zoladura hondatzen ari da. Bigarrenik, egun hauetan ezingo zen ezer egin, joan den egunean batzordean zabuen kontua aipatu nuen, dagoeneko ipinita daude, pozten naiz Joseba ispiluekin pozten den bezala, baina han utzi dituzten lurrak kendu behar dira, lehendabizi.

Alkatea: lur horri dagokionez, esan udal langileak arduratuko direla, lehortzen denean kenduko dute, baina batez ere harriak geratu dira han.

Joseba Elejalde Ribacoba: esan nahi dut, azken batean, haurren jolaslekuen ondoan daude,



eta azken finean haurren batek gorabeheraren bat izaten badu edo zoritxarrez irristatzen bada, .gainera harriak badira are okerrago, buruarekin kolpatzen bada, edo min hartzen badu.

Alkatea: lehortu bezain pronto kenduko dira.

Joseba Elejalde Ribacoba: eta ondoren, zonalde hura itxi, ura ipini, izan ere, bada mahuka bat baldintza horietan iturrira...

Alkatea: Mikelek ipini zuena ezta?

Joseba Elejalde Ribacoba: hori apur bat txukundu, leku bat ipini horretarako gutxienez, iturri bat edo zerbait baldintza onetan, izan ere, hura han aldrebes samar dago ipinita. Mikelek borondate ona izan zuen beti eta ideia oso onak, baina sekula ez genuen behar beste diru herrian. Eta bai, beharrezkoa bada.

- Joseba Elejalde Ribacoba: eta Erretako kontuarekin, kultur etxearen gaiarekin, edo gizarte-etxearekin, bere garaietan idatzi bat sartu nuen bigarren solairua konpontzeko gaiarekin, zoruaen gaiarekin, zoru hori altxatuta dago oraindik. Beraz, azken batean, hor diru asko xahutu dugun eta hura dagoen bezala dago. Nik ez dut zalantzan ipintzen enpresa eraikitzailearen jardun ona, bere esku zegoen guztia egingo zuen zoru lau gera zedin, baina jarri zena altxatu egin da ordea, eta zenbait gunetan irtengune bat dago, sekulako irtenguneak. Zapaldu bezain laster ohartzten zara parketa edo han ipinita dagoena jaitsi egiten dela

Alkatea: hori berrikusi egin daiteke. Azalpena hasiera batean zera da, egia da bazirela hobe zitezkeen zonaldeak, baina zoru ez zen mailakatu. Ez zen mailakatu, izan ere, mailakatzeko altxatu egin behar zen, eta oso altuera gutxi zegoen. Agian, besteak beste, horregatik zoru ez dago bikain.

Joseba Elejalde Ribacoba: zonalde batzuetan konkorrak handi samarrak daude.

- Joseba Elejalde Ribacoba: eta ondoren, mendien gaiarekin, dakizuen bezala, Peñalbako mendian pistak garbitzen ari dira, mendia ixteari ekingo zaio, baina hori gertatzen den arte Erreta Tuterako auzotarrok jarraituko dugu ikusten herri-basoan solte dauden animaliak gure lursailetan nola sartzen diren. Inork ez du hori zedarritzen. Nire kasuan, harrobian, pertsona askoren zaldiak, pertsona askoren ahuntzak izan ditut, eta sartu ahal izateko baimena eskatzen dutenez, Udal honetan kanona ordaintzen dute eta eman egiten zaie, eta ongi iruditzen zait legea betetzen dutelako, baina Udalak betetzen ez duena da mendi hori itxita mantentzearena eta herri-basoaren barnean solte dagoen animalia lursail partikular edo pribatuen barnean sar dadila ekiditea. Partikular batek ez baitu, inolaz ere, bere lursaila itxita izateko betebeharra, hura mendi publikoaren albo-alboan dagoelako. Nik izan dezaket lursail bat, sagarrondoak izan ditzaket eta aziendarik ez izan, eta daukat zertan itxi. Legean ez da jasotzen nik itxi egin behar dudarik. Aitzitik, Udal batek baimentzen badu animaliak mendi publikoko larretan ibiltzea, mendi hori itxeko betebeharra dauka, animalia horiek hirugarrenak kalte ez ditzaten. Kasu honetan, Palacios oso ongi itxita eta oso ongi hornituta dago, eta hanga larretan ibiltzen diren animaliak ez dira beste lursail batzuetan sartzen, baina Peñalbako mendian ez da gauza bera gertatzen. Peñalbako mendia erabat irekita dago une honetan, eta animaliak nahieran ibiltzen dira larretan. Bestetik...

Alkatea: Peñalbako mendian orain ekingo da, ixteko obraren bat egingo da.

Joseba Elejalde Ribacoba: badakit Iñigo, baina bitartean, nik iaz 20 zaldi, behor baino gehiago izan nituen, nire familiaren lursailean, 20 baino gehiago. Aurten, duela astebetara arte izan ditut, basozainak jabeari esan zion arte Palaciara pasatzeko, eta jabeekin hitz egiten duzu eta esaten dizute beraiek ezin dutela ezer egin, beraiek itxi egiten dutela baina hesiak ireki egiten dizkietela eta ez dakit zer... Arazoa da ez dagoela itxiturarik, gero sartu-irtenean ibiltzen diren pertsonak egotetik harago, hesia irekita edo itxita utziz, halakoak ere badira eta, hori nik ez dut zalantzan ipiniko, baina Udalaren aldetik abeltzain batzuei mendi publikoetako larreetan ibiltzeko baimenak eman aurretik, mendi publikoa egon dadila egokituta, izan ere, Erretako mendi publikoa ez dago egokituta arrazoi horregatik eta ez dago egokituta urik ez dagoelako. Peñalbako mendian ez dago urik. Non edaten dute? Eginda dauden putzuetan, ura arraste moduko batzuetatik hartzen dute, nire familiak egindakoak dira. Eta hori egia da, errealitate bat da, eta han sartzen dira, edan egiten dute, eta ondoren larrean ibiltzen dira eta gero joan egingo dira. Baina hala da, Udalak argi ez



duen bitartean, arazo bat izango dugu.

Joseba Elejalde Ribacoba: abenduan idatzi bat sartu nuen Udal honetan, katastroari eskatuz bide bat berreskuratzeko, Peñalbara doan bidea, mendi-bide zaharra, Udal honetako plano zahar guztietan jasotzen den bidea, antzina-antzinatik. Bide hori ez da existitzen, Udal honek ez du katastroan sartu, beste bide askorekin gertatzen den moduan. Urte asko daramatzat eskatuz aurrekontuetatik 25.000 euro hartzeko bideen inbentario bat egiteko, Udalean jasotzen ez diren bi horiek guztiak berreskuratzeko, diru-laguntzak jasotzeko aukera izateko, izan ere, inbentario horretan jasota ez badaude, ez dugu beste administrazio batzuen diru-laguntzak jasotzeko aukerarik, eta hori guztiontzat da kaltegarri. Nik abenduan bide hori jaso zedila eskatu nuen, bi arrazoiengatik eskatu nuen, lehendabizi nire familiaren lursail bat zeharkatzen duen eta Peñalbara igotzen den baso-pista dagoelako. Lursail hori, ustez, ez da Udalarena, ezta Aldundiarena ere. Pista horretan orotariko pertsonak ibiltzen dira, abeltzainak, txangozaleak, txirindulariak, perretxiko-biltzaileak, enpresak, eta azkenean sekula ez da konpontzen. Sekula ez da konpontzen, izan ere, ustez, Udaletik esaten dute ezin dutela konpondu beraiena ez den gauza bat. Pista hori nire familiaren lursailaren erditik igarotzen da, ongi esan dudan moduan. Bada, azkenean, itxi egin behar izango dut, eta horregatik eskatzen dut mendira zihoan bide zaharra, hala izendatzen baita, mendirako bidea, konpon dadila, atondu dadila eta Peñalbara iristeko pasabide izan dadila auzotar guztiontzat, eta ez daitezen ibili beste pista horretan, eta bigarrenik, lurzati hori, ustez une honetan 771 zenbakidun lursailari dagokiolako, hau da, 12 hektarea barneratu dira 20 dituen beste batekin. Aipagai dudan partzela, harrobia, ez du soka bakar batek ukitzen, edo 771 partzela du mugakide, mendi-bide horrek bereizten baititu. Horrenbestez, goiko eta beheko errotuluek katastro-zenbaki bereizi bat izan beharko lukete. Zergatik? Berritri diotsut, bide hori, mendebaldeko sokatik markatzen du, ekialdeko sokatik markatzen du mendi publikoa eta horma dituela, iparraldetik horma eta mendi publikoa dituela dio, eta hegoaldetik horma, bidea eta Palacioko ondorengotzak. Orduan bi idatzi sartu nituen eta jakin nahiko nuke, azaldu berri ditudan arrazoiak direla medio, gai hori zertan den. Uste dut onuragarria dela Udal honentzat une honetan jasota ez dauden bide guztiak aitortzea, eta gai hau ebaztea.

Alkatea: gai hori batzorde batean aipa dezakegu hobeto, oraintxe bertan ezin baitizut ezer esan.

Joseba Elejalde Ribacoba: ni joan den hilean Angelekin egon nintzen hori begiratzen, eta gauza bat. Ea, zuek ez duzue arazoa ikusten, baina arazoa da nik bihar pista hori ixten badut, zer egingo dugu?

Alkatea: eta dokumenturen bat ba ote zegoen ikusten aritu ginen, izan ere, errepikagailura doan pista da. Baina... bada, bilatzen aritu ginen, hain zuzen, diru-laguntza baterako, pasabide kanadar bat instalatzeko, desjabetza-agiriren bat ba ote zegoen, lagatze-agiriren bat, salerosketaren bat, eta ez zen bakar bat ere aurkitu, ez Udalean ez Aldundian.

Joseba Elejalde Ribacoba: lehen arazo hori konpontzeko aukera ikusten saiatu beharko zarete eta, ondoren, batez ere, arazo horretatik harago beste bat daukazu, betidanik aitortuta dituzun bide horiek aitortzea, bide publikoak baitira. Mendira doan bidea da, Erretatik Peñalbara arte doan bidea da, eta Peñalbatik, edo Tablasetik Artierara arte zihoan bidearekin bat egiten zuena. Bide publiko bat da. Eta erregistratuta ez dagoen bide bat da, Erretan erregistratuta ez dauden beste bospasei bide aipa ahal ditzakedan bezala. Bospasei bide Erretan, izan ere, bide publikoak dira, egunero erabiltzekoak, eta Udal honek ez dituenak erregistratuta, bertan ezin delarik esku hartu, ezin da diru-laguntzarik eskuratu haienentzat, ez daudelako erregistratuta. Azken batean mendi-ibilietako ibilbideak egiteaz, zonalde berdeak egiteaz, turismoa sustatzen saiatzeaz hitz egiten ari gara, eta zer da kontua eta zu Erretaren moduko herri txiki batera joaten zara, eta daukazun 4 bide nagusietatik, 4 bide nagusi, bakarra duzu, sarbidekoaz aparte, gainerakoak... Zu udal honetara etortzen zara, katxoiaren bideagatik galdetzen duzu, haiek ez dakite hori zer den, iturri zaharraren bideagatik galdetzen duzu, 80 metro dituela esaten dizute, 500 metrotik gora izango ditu, edo 450 baino gehiago. Hau da, eta hori bezalaxe, asko esan diezazkizuket, bide ugari azkenik bada... Peñalbara doan bide bera, mendi-bidea, banderara jaisten zen bidea, azkenik bide andana dago jasota daudenak, zeudenak, eta ikusten da oraindik erabiltzen direla,



gutxi baina erabiltzen dira, eta ez daude jasota.

Alkatea: kasu honetan, errepikagailuan, ez gara hitz egiten ari bide batez, baizik eta pista batez, errepikagailuaren mantenu- eta konponketa-lanak egiteko beharrezkoa den pista. Ezin dizut beste ezer erantzun.

Joseba Elejalde Ribacoba: ados nago ordea, baina gauza bat esan nahi dizut, Udal honek behingoz borondatea azaltzen badu, nik azken hiru urteetan uste dut, edo lau, planteatu dudanaren inguruan, nik ez dakit...

Alkatea: edo gehiago.

Joseba Elejalde Ribacoba: egin dadila bideen inbentario bat behingoz, eta nire ustez beharrezkoa den zerbait jasota gera dadila. Baina ez soilik erretan. Zu Palaciosera joan eta gauza bera gertatuko zaizu, eta hemengo edozein udalerritara joan, eta azken batean nagusiak soilik ditugu jasota, eta bigarren mailakoak ez. Eta nik ulertzen dut nahi badugu udalerrri hau izatea...

Alkatea: eta bideen inbentarioa egin beharrean gaude, baina hori ondareen inbentarioaren zati izango da. Ondareen inbentarioa baita egin behar duguna. Noiz egin da azkena? Bideen inbentarioa ondareen inbentarioaren sarrera izango da, hori ere aspaldidanik baitugu egiteke. Baina horretan arrazoi duzu, beharrezkoa da.

Joseba Elejalde Ribacoba: esan nahi dut, zuk bidea lokalizatuta badaukazu, eta besterik gabe bada, nik ez dakit, agian esango didazu administrazioaren aldetik zazpi hilabete eskatuko digun kontu bat dela. Administrazioaren aldetik, ez dut uste arazo handia izango denik, bidea lokalizatuta dago, bidea seinaleztatuta dago, bidea airezko argazkietan ikus daiteke, katastroari, Horrelako arazoa al da Artziniegako Udaletik katastroari esatea, izan ere, gainera katastroko teknikaria ikusten aritu da, bide hori jaso dezatela? Are gehiago, sartu nuen idatziaren barruan, hirugarren arau subsidiarioa puntualki aldatzeko proiektutik nik atxiki nizuen, bidea jasotzen duen plano bat atxiki nizuen. Lanaren erdia eginda ematen ari naiz ordea. Ingeniari batzuek bide horren gainean egin didaten plano bat ematen ari natzaizu. Hau da, lanaren ia % 50 eginda ematen ari natzaizu ordea. Joan katastroa planoarekin, ikusi ea bat datorren, izan ere, hemen Udalean bere iragazkiak igaro ditu horrek eta Aldundian dago orain, eta esan aizu, bide hau existitzen da, mendi-bidea, udal bide bat, bada, tira, jaso ezazu. Eta jaso dezatela. Eta bide hori jaso dadila behingoz bideen inbentarioan edo ondareen inbentarioan.

Alkatea: bideen inbentarioa.

Joseba Elejalde Ribacoba: baina jadanik eskatzen ari naizena da, Udal honetatik, Alkatetzatik, agindua eman dadila, ez dut uste sei urte eskatuko digun zerbait denik, ezta sei hilabete ere, bide hori existitzen da, eman agindua katastroan jaso dadin, eta bide hori udal bide modura izango dugu jasota katastroan.

Alkatea: esan dizut sakonago begiratuko dugula, izan ere, orain harrapatzen nauzu eta ez dakit, baina nik hitz egin nuen Angelekin eta galdetu nion "aizu, hau nola dago", eta esan zidan "oraintxe bertan guk katastroan daukagu, eskaera hori" Ikusiko dugu, ados.

Eta jorratzeko beste gairik gabe, amaitutzat eman zen saioa, lehenago aipatu egunaren hamaiketan. Eta guztiorren gainean, fede ematen dut.